

增補文獻備考

十五

庫文閣内		漢
五 函	六 一 四	書
一 四 架	五 一 冊	類
	三 號	

内閣文庫	
番號	漢 6143
冊數	51 (16)
函號	294 19



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



Kodak, 2007 TM: Kodak



增補文獻備考卷之七十二

弘文館 纂輯 校正

禮考 十九

冠禮

高麗光宗十六年加子佑元服立為正胤

睿宗十六年正月王太子加元服于壽春宮百官表賀先是太子在行宮欲加冠平章事金緣奏曰冠者禮之始事之重故冠於祚三加彌尊所以尊其禮而著成人之義也今以元子之貴行事於外非所以法先王示後代宜令有司舉禮以行從之

毅宗時詳定王太子加元服儀 告太廟別廟景靈殿賓太尉贊尙書

增補文獻備考 卷一百一十一
預戒前一日王御大觀殿奏山呼樂作賓再拜傳制曰將加冠於元子
卿其將事賓再拜稽首謝曰臣不敏恐不能供事敢辭侍中升奏又承
制降稱制卿將事無辭賓再拜贊再拜舍人稱將加冠於元子卿宜贊
冠贊再拜賓跪受節跪受詔書出麗正宮陳三加之服初加皂羅通頂
幘梔黃衣再加帽子紫羅窄袖袍三加幘頭公服冠日太子着帽子絳
紗衣出自東序升座樂作主人迎賓賓稱教王太子某吉日元服率由
舊章命太尉某就加元服太子跪受詔賓揖太子升筵賓贊跪脫帽子
櫛畢設纚執初加冠者升西階賓降一等受右執頂左執前進立祝曰
令月吉日始加元服棄厥幼志慎其成德壽考維祺以介景福乃跪冠
贊跪結纓太子入着梔黃衣出賓贊跪脫初加冠賓降階二等受再加

冠進立祝曰吉月令辰乃申嘉服克敬威儀式明厥德眉壽萬年永受
祺福乃跪冠贊跪正帽太子入着紫羅窄袖袍出賓贊跪脫再加冠賓
降階三等受三加冠進立祝曰以歲之正以月之令咸加其服以成厥
德萬壽無疆承天之慶乃跪冠贊跪正幘頭太子入着公服出賓受禮
盞玉盞承以玉面葉進立祝曰甘醴惟厚嘉薦令芳拜受祭之以定厥祥承天
之休壽考不忘陳饌徹太子再拜賓答拜字之曰禮儀既備令月吉日
明告厥字君子攸宜宜之於嘏永受保之奉勅字某太子再拜曰某雖
不敏敢不祇奉又再拜太子詣殿近臣宣勅戒曰事親以孝接下以仁
使人以義養人以惠太子拜舞蹈稱臣雖不敏敢不祇奉詣王后閣前
戒詞上同太子稱臣夙夜祇奉不敢失墜

補高宗四十六年王薨太子俱如蒙古太孫諶監國始冠時年二十四而高宗未葬也

本朝五禮儀 王世子冠前期告宗廟臨軒命賓贊設御座於正殿百

官補具樂作四拜回班相向賓贊四拜宣教曰今加冠於元子卿等將

事傳教官取教書函授賓賓奉教書函置彩輦細仗鼓吹前導出冠日

設冠位於東宮正堂陳三加服置醴卓補王世子二品以上陞堂再拜

頓首王世子荅再拜二品以上降庭相向三品以下在庭再拜回班相

向師傅貳師賓客入王世子庭東再拜師傅貳師賓客荅再拜主人庭

西再拜王世子荅再拜主人迎賓於宮門揖讓入賓取教書就位王世

子四拜跪賓宣教曰教王世子某吉日元服率由舊章命議政某就宮

展禮宣訖奉教書授王世子王世子跪受以授持函者賓贊盥手陞階

王世子就冠席賓揖王世子陞筵賓贊進跪櫛設纒賓降盥陞主人執

初加冠陞賓降一等受進席前祝曰令月吉日始加元服棄厥幼志慎

其成德壽考維祺以介景福乃跪冠王世子適帷內着袞龍袍出賓降

二等受再加冠祝曰吉月令辰乃申嘉服克敬威儀式明厥德眉壽萬

年永受其福乃跪冠王世子補適着絳紗袍出賓降三等受三加冠祝

曰以歲之正以月之令咸加其服以成厥德萬壽無疆承天之慶乃跪

冠王世子補適着冕服出就醴席賓受醴進筵前祝曰甘醴惟厚嘉薦

令芳拜受祭之以定厥祥承天之休壽考不忘跪進醴王世子祭醴啐

醴再拜賓荅再拜王世子降階立賓字之曰禮儀既備令月吉日昭告

厥字君子攸宜宜之於嘏永受保之奉教字某王世子再拜曰某雖不敏敢不祇奉又再拜向師傅貳師賓客再拜師傅貳師賓客荅再拜王世子陞階二品以上再拜王世子荅拜主人出會所與賓贊俱再拜設酒饌行會禮奉束帛篚授賓詣闕復命王世子入殿庭四拜跪宣教曰事親以孝接下以仁使人以義養人以惠王世子四拜曰臣雖不敏敢不祇奉仍入內殿庭四拜跪宣旨補詞如王世子四拜曰臣夙夜祇奉不敢失墜遂還宮

仁祖元年行王世子冠禮先是禮曹判書李廷龜啓曰元子冠禮當在冊禮之前受冊之後卽有入學謁廟等禮未冠而行禮節次妨碍自古帝王雖十歲前亦行冠冊之禮漢文帝卽位之初景帝年甫十歲有司

建請冊禮我朝 仁廟八歲行冠禮魯襄公在晉晉侯問其年曰十二晉侯曰十二年一星終矣可以冠矣遂冠於成公之廟今世子年已十二冠禮何待來年乎至是又啓曰王世子冠禮時當用王世子儀仗及宮僚陪侍之儀而冠禮在先冊禮在後未受冊之前先用此儀仗似爲未安云雖未及受冊成命已下名號既定冠禮之時先用儀仗宮僚似無所妨請議大臣從之

補鄭經世書春宮冠禮圖後曰乙丑月日世子冠禮官前期以儀注入啓蓋膳五禮儀也節目甚繁而頭緒錯雜難於整理世子問於臣臣遂分爲十七節逐節作圖以便考閱宮官精寫一件以進及日拜起周旋動皆合禮觀者嘖嘖此固由於英明夙達而圖亦不爲無少


助世子時年十四歲云

補臣謹按原本作元年行世子冠禮禮曹啓辭亦云世子年十二已而鄭經世叙後則曰乙丑月日又曰世子時年十四意者元年欲行冠禮因國家多故退行於三年歟

顯宗朝侍講院文學李端夏請退行王世子冠禮疏曰按儀禮冠義有天子諸侯十二而冠之文說者曰人君之早冠也王教之本不可以童子之道治焉又按冠義曰雖天子之元子猶士也朱子解之曰此明世子之冠猶士禮也天子諸侯十二而冠說者猶以為早況世子之冠乃於十歲前行之乎伏聞 上教以為 列聖未有未冠而先入學又以 仁宗大王故事為教云古者王公以下八歲入小學

十五入大學自有定法王公十二而冠士二十而冠又有定例則王公之入小學未嘗冠也士入大學亦未嘗冠也入學之無係於冠不冠於此可知而我朝 列聖惟 仁宗八歲而冠同年入學臣等誠未知其冠禮合於古禮也周成王十四而冠漢惠帝二十而冠昭帝十九而冠成帝十歲而冠曾未有未十歲而冠者司馬光輕薄之譏敦厚之諭雖為凡人而發人君於此尤不可不加之意也况人君表率一世而在上者早行冠禮如此則在下者必爭慕效亦何以禁其輕薄之習而養其敦厚之風也

顯宗十一年行王世子冠禮出房冠服改以元子時童髻玉簪草綠道袍黑靴子出座以五禮儀云是日世子以時服出時服者袞龍袍翼善



冠卽初加之服旣以時服出座則初加無所施故改之

左議政許積言世子冠禮時醴席本南向而設世子就席亦南向坐而及其降拜之際五禮儀以爲西向拜此必是五禮儀南字誤作西字故也儀禮曰冠者筵西拜受禪賓東向答拜註曰筵西南向拜也賓還答拜於西序之位東面者明成人與爲禮異於答主人禮文本意若是明白而遵用五禮儀之西字其謬已甚矣曾於 仁祖朝故儒臣鄭經世據此爭之以正其誤其後還用五禮儀云請依 仁祖朝已行之例定用南向拜之禮又言五禮儀師傅貳師席於冠席之北賓客席於冠席之東冠席西向設而賓客席於其東則卽在世子之後也於禮不當此必南字誤作東字之致故亦因鄭經世之言改

正行之以侍講院所在冠禮圖見之可知請改東字爲南字并從之

先是諸臣請行世子冠禮贊善宋浚吉言春夏屬陽秋冬屬陰在聖人扶陽抑陰之道當遲待明春 上用其言翌年正月消吉退行於三月

賓客趙復陽上筭云冠者禮之始也今士夫之冠其子亦必廣延親友乃所以敬其事也山野碩學之士皆合招延咸造在列以成嘉事從之於是敦召傅宋時烈贊善宋浚吉李惟泰三儒臣時烈以情勢不至浚吉惟泰赴召

補肅宗二十九年十二月 上命定行延祊君冠禮于瑤華堂賓以正二品贊以從二品差出視世子冠禮減一等禮曹撰定節目而以事無

前例依倣世子冠禮有所差等既而禮曹以節目就議大臣判府事徐文重議曰親王冠禮詳載集禮會典而五禮儀則闕焉該曹既無謄錄之可據則事是剗行所宜詳量禮法明白定式而行禮處所定于瑤華堂臣以爲未安也蓋成人之禮始於三加故有冠于東序序外之別禮于戶西冠所之不同所以嚴名分而明等威也王世子冠禮亦且行于東宮則今獨不行於私第而行於大內別堂豈非失差之大者乎厨院設禮尙方陳服一依王世子冠禮之儀雖曰差等安得無混逼之嫌也該官之親自進排自是小節何足言也左議政李畚議曰皇朝會典皇太子冠禮行於奉天殿親王冠禮洪武定行於王邸成化更定於奉天門前東廡今王子冠禮行於大內別堂臣愚以爲未安也以洪武所定

觀之私第固爲其所雖以成化更定者言之宜不在於大內則明矣設醴陳服該曹既改其節目今無可論該官之親自進排自其任耳此則未見其爲嫌也且考大明集禮皇太子冠則三公一人爲賓太常卿爲贊親王冠則禮部太常官爲賓贊云太常官之非卿則決矣而所謂禮部官亦非必尙書也贊本賓之從者所謂太常官無乃博士之屬乎若然則今之以亞卿爲贊亦似過重傳曰冠禮處所定於瑤華堂之後不無疑訝取考會典則大內別堂有所未安方欲叅酌變通矣大臣之意亦如此處所定於通化門內東月廊賓以從二品贊以從三品差出禮曹又略改節目以啓春官錄禮曹啓辭請初加烏紗帽黑團領再加幘頭三加梁冠朝服從之

補英祖三十七年行王世孫冠禮命史官考太白山實錄而列朝俱無此禮遂以五禮儀世子冠儀斟酌行之

補附 四十一年王孫冠禮時賓堂上正三品贊司藝主人宗臣堂上正三品主人贊冠宗簿直長雜物及三加章服自內爲之凡執事中文官爲之凡儀節一依士大夫家禮已而教曰更以思之他宗班之子卽付職之前雖付職初授不過堂下故三加服色從士可也而王孫事體異焉亦與王子冠禮當差等遂更定服色以下初加初則黑笠青袍改以笠子道袍紅帶再加初則軟巾襪衫改以幘頭公服三加烏帽黑團領金帶處所則初以重光院磨鍊改以典設司

續正祖二十四年正月命世子冠禮時醴饌同設於西階上

禮曹判書李晚秀啓言五禮儀冠禮儀參用開元禮大明會典而設位條序外之帷只載擬置饌物之文禮席之南只設醴尊加勺之所而饌品位置則初不概見依明朝禮醴饌同設於西階上似合禮意請以此釐正儀註從之

續憲宗甲午十一月大行朝成服日嗣王冠禮收議于大臣

右議政朴宗薰以爲謹按禮雜記曰以喪冠者雖三年之喪可也家語夫子答孟懿子之問曰古者王世子雖幼其卽位則尊爲人君人君治成人之事者何冠之有又曰君薨而世子主喪是亦冠也明儒歸有光論此有曰冠者將責爲人子爲人弟爲人臣爲人少之禮也已奉宗統君臨天下將又責之以爲人子弟臣少之禮乎我東儒賢

諸論有曰喪冠古禮有箇節目當酌古參今倣而行之又有曰只當因喪而冠蓋重喪不可着童子之服此皆因喪而冠之說也至若曾子問曰有齊衰大功小功之喪則因喪服而冠除喪不改冠此所稱齊衰蓋非指三年之喪也故鄭氏註雜記以喪冠章曰雖者明齊衰以下皆可以喪冠也此言雖三年之喪亦可冠則齊衰以下從可知之謂也其義較明而陳氏乃於雜記以喪冠章註曰斬衰不可此言實不合經文本旨而亦非鄭氏之意也經既明言三年之喪則何可更分斬齊乎不可因陳氏一言之差而並疑於古經明白之文矣且家語曰成王嗣立明年夏六月既葬冠而朝於祖以見諸侯此乃成周之禮夫子之訓也既葬猶可以冠則况因喪而冠之明載經文乎

明儒徐師曾之說曰冕而踐位不行冠禮云者亦有見於此也故開元禮亦以雜記此文揭爲典禮以此觀之古今經傳儒先之論槩可見矣臣只以經傳著明之文仰備裁擇焉命以依議行之

增補文獻備考卷之七十二

增補文獻備考卷之七十三

弘文館纂輯 校正

禮考 二十

婚禮

新羅始祖元年立闕英為妃初龍見於闕英并右脅生女老嫗養之以并名之妃有賢行能內輔人謂之二聖

補孫穆鷄林類事云生女不與國臣為婚而令兄弟自妻之言王姬之貴不當下嫁也

補景文王娶憲安王二女 詳見帝系考

駕洛國首露王納許氏為妃許氏名黃玉號普州太后世傳阿諷陁國

王女或云南天竺國王女東漢建武二十四年王迎于幔殿同輩還闕立以爲后至靈帝中平六年崩壽一百五十七國人號初來維舟處曰主浦村解綾袴處曰綾峴茜旗入海處曰旗出邊在主浦之左至今存其名

高麗太祖十九年立金氏爲夫人初新羅王金傅請降王曰王以國與我其賜大矣願結婚宗室以爲甥舅之好傅曰伯父有女遂納爲夫人毅宗時詳定王太子納妃儀采擇告期並告太廟王御殿太子入殿庭再拜舞蹈奏聖躬多福升自西階就西階上位跪受盞飲訖降升自東階詣王前跪王命之曰往迎爾相承我宗事勗率以敬王太子曰臣謹奉制王遣近臣逆之於妃氏第妃氏乘穩輿上鑰以出行至麗正宮中

門內下鑰降輿司閨引妃氏入次太子出殿庭西向司閨引妃氏出東向俛伏興升殿又俛伏興司閨引妃氏入寢筵初昏置尊室中實四爵兩盞於篚太子盥於南洗妃從者沃之妃盥於北洗太子從者沃之設饌太子與妃卽座童侍二人各以酒盞授太子及妃進饌再飲三飲撤第三日王御殿宣制曰王太子納妃三日命公等展禮以詔書授使太子迎詔於麗正門外與使副相揖入殿庭受詔再拜舞蹈奏聖躬多福右庶子跪進表太子受表大使進跪受出太子至門外揖送妃盛服至御殿及王后殿朝拜王及王后禮妃○公主下嫁儀親迎日婿之父告其父母曰國恩貺室於某以某親迎敢告再拜醮于於廳事南向子公服升自西階再拜跪受酒父命之曰往迎肅雍以惠我宗親子再拜曰

祇率嚴命出至闕門外公主升車壻向闕再拜先還公主至降車壻俛伏公主答之升同牢設酒饌飲三盞撤公主拜舅姑舅姑醴婦王降使宣詔婿出迎拜表宴使諸公侯納妃三日降使受命附表儀並同

○忠宣王妃薊國長公主

詳見帝系考

王以世子在元以白馬八十一匹納

幣于帝尚晉王女元王公貴戚皆侍宴令本國樂官奏感皇恩之調翌日世子又以白馬八十一匹獻于太后又獻白馬八十一匹于晉王恭讓王三年定世子妃朝謁儀王及王后坐殿女史引妃侍女奉棗股修笄以從妃入再拜升殿進笄降再拜進酒妃啐酒再拜王會群臣禮如元會儀群臣上壽曰王世子嘉聘禮成克崇景福臣等不勝慶抃謹上千秋萬歲壽

本朝 太宗朝謂大臣曰有一女年尚幼然及國家無事欲令適人廣求四五品以下士族家已得議郎南景文之子凡爲駙馬不患貧賤若門閥子孫習於驕奢鮮有不敗者吾欲只選士族子孫欲其無驕習也世宗十六年 教曰婚禮三綱之本正始之道故聖人重大婚之禮制爲親迎之儀而本國風俗男歸女第其來已久不可猝變自今王子王女婚姻一從古制以爲民先

成宗朝惠淑翁主將下嫁申從濩之子沅 上謂從濩曰翁主下嫁後有謁舅姑之禮古之制也翁主生長禁中或有挾貴驕傲之弊必須自少知禮習其性成而後能執婦道卿勿以貴廢其禮也

五禮儀 納妃前期告宗廟納采設御座於正殿百官朝服四拜使者

四拜宣教聘某官某女為王妃命卿等行納采禮正使品一四拜奉教書

函置綵輿細仗鼓吹備而不作前導百官四拜至妃氏第正使曰某奉教納

采主人曰臣某之女若如人既蒙教訪臣某不敢辭北向四拜奉教書

教某官姓名王若曰渾元資始肇經人倫爰及夫婦以奉社稷宗廟謀

于卿相咸以為宜率由舊典今使某官某某官某以禮納采故茲教示

想宜知悉某年月日至堂中執鴈者從主人北向四拜宣教主人四拜

主人以箋函授正使主人四拜使者出主人東向四拜正使復命進箋

四拜箋文某官臣某稽首稽首上言恭惟主上殿下嘉命訪婚陋族備

數采擇臣之女若姊妹則云先臣某官女未閑教訓衣履若如人恭承舊章肅奉典

教臣無任激切屏營之至謹奉箋以聞某年月日某官臣姓名謹上○

納徵百官使者四拜並如上儀宣教聘某官某女為王妃命卿等行納

徵禮使者以下四拜教書函束帛函牽乘馬者前導如儀至妃氏第正

使曰某奉教納徵主人曰奉教賜臣以重禮臣某祇奉典教宣教王若

曰卿之女孝友恭儉實維母儀宜奉宗廟永承天祚以玄纁乘馬以章

典禮今使某官某某官某以禮納徵奉束帛授主人牽乘馬者授馬主

人跪授箋函主人答文主上殿下嘉命使者某重宣中教降婚卑陋崇

以上卿寵以豐禮恭承舊章肅奉典教使者復命如上儀○告期命使

如納采儀宣教聘某官某女為王妃命卿等行告期禮至妃氏第正使

曰教使某告期宣教王若曰謀于卿相稽于卜筮罔有不臧吉日惟某

月某甲子可迎率遵典禮今使某官某某官某以禮告期主人曰臣某

增補文獻備考 卷七十三
謹奉教受教文如儀跪授箋文答文主上殿下嘉命使者某重宣中教以某月某甲子吉日告期臣恭承舊章肅奉典教○册妃陳設如儀宗親文武百官四拜傳教官稱有教跪宣教曰册某氏爲王妃命卿等典禮使者以下四拜如儀使者以教命册函寶綬及命服函各置于綵輿細仗鼓吹前導輦行使者以下隨行百官復拜位四拜禮畢殿下降座乘輿還內○妃受册陳設如儀使者至妃氏大門外掌次者迎入次賓主及行事者朝服內侍常服尙宮以下先詣入次教命册寶陳於幕內司僕寺副正進輦兵曹正郎陳妃儀仗使者以下入就位賓者曰敢請事正使曰某奉教授王妃備物典册賓者入告主人就拜位四拜舉教命册寶案者從之副使取教命册函寶綬進授正使正使跪授尙傳尙傳跪

置於案王妃具翟衣加首飾傅姆贊出尙宮導妃就位王妃四拜尙宮稱有教王妃跪尙宮開函宣册王妃四拜尙宮奉教命及册函以次跪授王妃王妃跪授典言尙服奉寶綬跪授王妃王妃跪授尙記四拜尙儀跪請陞座尙宮導王妃陞座繖扇侍衛如常儀尙儀跪啓禮畢尙宮導王妃降座入內僮使者及使者復命如告期儀○命使奉迎設次如上儀禮曹正郎陳綵輿典樂陳鼓吹兵曹陳細仗哺後引儀分引宗親文武百官就位左通禮詣閣外跪啓請中嚴殿下具冕服出陞座傳教官詣閣外跪啓命使奉迎王妃尙傳入啓捧教書函出授傳教官傳教官降階稱有教宣教曰命卿等奉迎王妃使者以下四拜出正門乘馬宗親文武百官以次隨行至妃氏第司僕寺副正進輦于內門外尙儀

跪啓請中嚴王妃具翟衣加首飾主人具朝服出立於堂前西階下僮者具朝服受命出請事正使曰某奉教以今吉辰率職奉迎僮者入告主人曰臣謹奉典教僮者出告主人出迎於大門外北向四拜引儀引使者入門而右主人入門而左至內門外堂正使陞自東階至堂中南向立副使立於正使東南主人就庭中北向四拜副使取教書進授正使正使稱有教主人跪正使宣教書王若曰令月吉日率由典禮今使某官某某官某以禮迎主人四拜陞自西階進正使前北向跪正使以教書授主人主人受教書以授左右北向跪執鴈者以鴈進副使取鴈進授正使正使受鴈以授主人主人受鴈以授左右北向立僮者取箋函以授主人主人跪授正使答文曰主上殿下嘉命使某重宣中教備

禮以迎猥承大禮憂懼戰悼恭承舊章肅奉典教正使授箋函以授副使主人降復位四拜引儀引使者出捧箋函者先行使者出復門外位王妃將出主婦具禮衣出立於堂西傅姆導王妃尙宮前導出房立於姆之東北南向使者以下四拜跪正使曰令月吉日某等承教率職奉迎尙傳傳告典言典言入啓尙宮導王妃出就拜位王妃四拜主人陞自東階西向戒之曰戒之敬之夙夜無違命王妃聽訖內侍奉輿以進王妃上施衿結帨曰勉之敬之夙夜無違命王妃聽訖內侍奉輿以進王妃乘輿尙宮前導侍衛如常儀至中門外王妃乘輦姆加景景之制蓋如明衣加之以爲行道禦塵令衣鮮明宮人侍從及導從儀仗前導如常儀輦出大門外使及宗親文武百官以次乘馬侍從如常儀使者奉箋函復命如納采儀○同

牢設次如常儀初昏尚食設酒亭於室內置兩盞登於其上王妃輦入正門至殿門外尚寢帥奉繖扇者典燈帥執燭者俱布列前後至大次前尚儀跪啓請降輦尚宮導王妃入次因詣閣外東向立尚儀跪啓外辦請降座禮迎殿下降座尚宮前導詣閣內東西向揖妃以入尚寢設殿下褥席於室內在東王妃褥席在西殿下導妃由中階陞尚宮導王妃從陞殿下揖妃入室即席西向王妃即席東向尚食舉饌案各陳於座前尚食二人詣酒亭取盞酌酒各跪進殿下及王妃俱受盞祭酒飲訖尚食俱進湯食訖又俱取盞再酌又俱進湯食三酌用盞如再酌禮畢尚宮導殿下入東房釋冕服又導王妃入幄釋翟衣尚宮導殿下入幄王妃從者餽殿下之饌殿下從者餽王妃之饌○王妃受百官賀其

禮如正至賀儀致詞云具官臣某等敬惟王妃殿下徽猷昭備至德應期凡厥臣庶不勝慶躍○殿下會百官其禮如正至會儀樂備而上壽不作詞云具官臣某等王妃德昭厚載正位宮壺克昌萬葉明嗣徽音凡厥臣庶載懷鳧藻臣等不勝慶忭謹上千千歲壽○王妃受內外命婦朝會其禮如正至朝會儀致詞云妾某姓等敬惟王妃殿下德昭厚載正位宮壺凡厥臣妾不勝慶忭謹上千千歲壽○王世子納嬪儀○納采禮曹宣攝內外各供其職掖庭署設御座掌樂院展軒懸文武百官分殿庭東西設位司僕寺陳輿輦典樂陳鼓吹兵曹陳細仗宗親文武百官使者就門外位左通禮詣閣外跪啓請中殿殿下具冕服御正殿近侍及執事官先行四拜引儀分引宗親文武百官入就位左通禮跪啓



外辦殿下乘輿而出繖扇侍衛如常儀殿下陞座宗親文武百官四拜
北向立引儀引使者入就位使者四拜傳教官宣教曰聘某官某女爲
王世子嬪命卿等行納采禮使者四拜引儀引使者出細仗鼓吹前導

鼓吹備而不作

宗親文武百官四拜左通禮跪啓禮畢殿下降座乘輿還內繖

扇侍衛如來儀嬪氏家受納采主人設次如儀其日大昕使者至嬪氏
大門外謁者引使者立於大門外東西向副使差退掌畜者執鴈立於
正使之南僮者受命出立於門西東向日敢請事正使曰奉教作儷儲
宮允歸令德率由舊章使某納采僮者入告主人曰臣某之女不教若
如人既蒙教訪臣某不敢辭僮者出告引主人出迎使者於大門外北
向四拜謁者引使者入門而右執鴈者從之主人入門而左使者陞自

東階至堂中正使南向立副使立於東南執鴈者在副使東南主人就
庭中北向四拜跪正使曰某奉教納采主人四拜陞自西階進正使前
北向跪執鴈者以鴈進副使取鴈授正使正使受鴈以授主人主人受
鴈退立於西階上以鴈授左右降立於中門西僮者受命出請事正使
曰禮畢僮者入告主人曰某公奉教至於某之室某有先人之禮請禮
從者僮者出告正使曰某既得將事敢辭僮者入告主人曰先人之禮
敢告以請僮者出告正使曰某辭不得命敢不從僮者入告主人出迎
使者揖讓以入至內門外堂內以酒饌禮之奉帛以勞使者出大門外
西向立主人出門東向四拜而送使者復命○納徵掖庭署設御座掌
樂院設軒懸宗親文武百官內外位報事官位並如納采儀典樂設鼓

吹兵曹陳細仗如納采儀禮曹正郎陳綵輿殿門外宗親文武百官及使者以下具朝服各就門外位禮曹正郎以束帛函置於案司僕寺進兩馬於殿庭左通禮詣閣外跪啓請中嚴殿下具絳紗袍御正殿繖扇侍衛如常儀近侍及執事官先行四拜禮引儀分引宗親文武百官入就位左通禮跪啓外辦殿下乘輿而出繖扇侍衛如常儀殿下陞座宗親文武百官四拜引儀引使者以下入就位四拜傳教官跪啓傳教官教曰聘某官某女爲王世子嬪命卿等行納徵禮使者以下四拜執事者以束帛案進傳教官取授正使正使受函置于案四拜引儀引使者出舉案者前行牽兩馬者從之使者以束帛函置于綵輿細仗鼓吹前導兩馬次束帛以行文武百官四拜左通禮跪啓禮畢殿下降座乘輿

還內繖扇侍衛如來儀嬪氏家受納徵設次如上儀其日大昕使者至嬪氏大門外謁者引使者立於大門外舉束帛案者立於使者之南主人立於大門內僮者受命出請事正使曰教使某以束帛兩馬納徵僮者入告主人曰奉教賜臣以重禮臣某祇奉典教僮者出告引主人出迎於大門外北向四拜謁者引使者入門而右舉束帛案者從之主人入門而左使者陞自東階至堂中正使南向立副使立於東南舉束帛案者在副使東南牽馬者從入庭主人北向四拜正使曰某奉教納徵主人四拜進正使前北向跪舉束帛案者以案進副使取束帛進授正使正使受以授主人主人受束帛退立於西階上使者出立於西門外主人以束帛授左右受馬者受之主人降立於中門內僮者受命出請

增補文獻備考 卷七十三
事正使曰禮畢僉使者及使者復命并如納采儀○告期命使如納采儀宣教曰聘某官某女爲王世子嬪命卿等行告期禮嬪氏家受告期設次以下至出請事如納采儀正使曰稽于卜筮某月某日吉教使某告期僉者入告主人曰謹奉教僉者出告引主人出迎使者以下至禮畢僉使者及使者復命并如納采儀○册嬪設御座陳儀物如上儀兵曹又設嬪輦及儀仗宗親文武百官及使者以下具朝服各就門外位禮曹正郎奉教命函册函印綬及命服函各置於案左通禮跪啓請中嚴殿下具遠遊冠絳紗袍御正殿繖扇侍衛如常儀近侍及執事官先行四拜禮引儀分引宗親文武百官入就位左通禮跪啓外辦殿下乘輿以出繖扇侍衛如常儀殿下陞座宗親文武百官四拜引儀引使者

以下入就位四拜傳教官跪啓傳教宣教曰册某氏爲王世子嬪命卿等展禮使者以下四拜執事者以教命案進傳教官傳教官取函授正使正使北向跪受置函於案傳教官取册某印綬授正使并如受教命之儀使者四拜引儀引使者出舉教命册印命服案者前行使者以教命册函印綬及命服函各置于綵輿細仗鼓吹前導使者以下隨行引儀分引宗親文武百官俱復位四拜左通禮跪啓禮畢殿下降座乘輿還內繖扇侍衛如常儀○嬪受册主人設次如初又設嬪受册位於堂庭中北向使者至嬪氏大門外掌次者迎入次賓主及行事者皆朝服宮人先詣入次司僕寺僉正進輦於幕南兵曹陳嬪儀仗謁者引使者以下出次就位主人立於大門內東向僉者受命出門東向日敢請事正使曰某

奉教授王世子嬪備物典冊僮者入告引主人出迎於大門外東向就位四拜謁者引使者入門而右舉冊印案者從之主人入門而左至中門外各就位舉教命冊印案者以次進副使取教命冊函印綬授正使正使授尙傳尙傳捧詣內門外置於案嬪具命服加首飾傅姆引嬪降自西階掌書跪取教命冊函印綬進立於嬪前南向嬪四拜守則跪受教命南向授嬪嬪受而授守闈入內又守則受冊函印綬授嬪如上儀僮四拜典正設嬪座於堂中南向守闈引嬪陞自中階卽座宮人再拜守則跪白禮畢守闈引嬪入室僮使者及使者復命如告期儀○臨軒醮戒設御座如儀又設王世子席位於西北掌樂院設軒懸典設司設王世子次於門外西向典儀設王世子拜位於殿庭東宗親文武百官

位次如上宮官依時刻集到各具其服翊衛司陳仗衛如常儀兵曹陳鹵簿宗親文武百官各具朝服詣闕外弼善跪請內嚴又跪白外備王世子具冕服出就正門外次侍衛如常左通禮跪請中嚴殿下具冕服御正殿繖扇侍衛如常儀近侍及執事官先行四拜執事官先就位引儀分引宗親文武百官入就位奉禮引王世子出次西向立司饗院官備酒金爵及饌卓左通禮跪啓外辦殿下乘輿以出繖扇侍衛如常儀殿下陞座宗親文武百官四拜奉禮引王世子入就拜位四拜陞自西階就席西南向立司饗院副提調酌酒東向立王世子四拜陞席南向跪搢圭副提調以爵授王世子王世子受爵司饗正薦饌卓王世子祭酒降席西南向跪啐酒以爵授副提調出圭四拜司饗正撤饌卓奉禮

引王世子進座前東向跪殿下命之曰往迎爾相承我宗嗣昂帥以嚴
王世子曰臣某謹奉教旨四拜奉禮引王世子降自西階出門四拜文
武百官四拜左通禮跪啓禮畢殿下降座乘輿還內繖扇侍衛如來儀
○親迎典設司設王世子次於嬪氏大門外道東南向司僕寺僉正進
輦於正門外翊衛司陳儀仗如常王世子既受命出正門外弼善引出
大門外跪請乘輦王世子乘輦執燭者前行侍從官及宮官宗親文武
二品以上官常服以從適嬪氏家輦至大門外弼善跪請降輦王世子
降輦入次輦將至主人告于祠堂醴女于房中

席於母之東北南向傅姆導嬪出立於席西南向贊者取盞斟酒詣嬪
席前立嬪四拜陞席跪受盞贊者薦饌卓於席前嬪祭酒啐酒以盞授
贊者又四拜贊者設奠鴈位於堂中北向主人出大門之內東向立儻
贊者撤饌卓

嬪具命服加首飾父在
東母在西相向坐設嬪

者立於主人之右北向具公服主婦具禮衣出立於堂之西東向弼善
跪請就位王世子出次立於門東西向儻者受命出門西東向立曰敢
請事弼善承傳進跪白王世子曰以茲初昏奉教承命儻者入告主人
曰某固敬具以須儻者出傳於弼善白如初儻者引主人出迎於門外
東向再拜王世子荅再拜主人揖讓先入門而左
及門及階亦揖讓
王世子皆報揖 掌
畜者以鴈授弼善東向跪授王世子既執鴈從入門而右主人陞自西
階進立于堂東西向王世子陞自東階傅姆導嬪出房立於姆之東北
南向王世子就位北向跪奠鴈再拜降出司僕寺僉正進輦於內門外
傅姆導嬪守闈引出於母左傅姆在左保母在右父少進西向戒之必
有正焉若衣若笄命之曰戒之敬之夙夜無違命母戒於西階上施衿

增補文獻備考 卷七十三
結脫命之曰勉之敬之夙夜無違庶母及門內施蟿申之以父母之命
曰敬恭聽宗父母之言夙夜無愆視諸衿蟿嬪既出內門至輦後王世
子舉簾以俟姆辭曰未教不足與爲禮嬪乘輦姆加景王世子出大門
乘輦還宮侍衛如來儀嬪仗次於後主人使其屬送嬪以儻從○同牢
內侍設嬪次於東宮中門之西南向鋪褥席守闈設王世子幃幄於室
內鋪地席重茵又鋪褥席二皆有衾枕施屏幃設同牢褥席於室內王
世子席在東嬪席在西初昏掌食設酒卓於室內置兩盞盞於其上王
世子輦至正門外弼善跪請降輦前引由中門入至宮中門外王世子
入俟閣外西向嬪至宮門入中門外守則請降輦嬪入次整飾守闈引
嬪詣閣外東向立王世子揖嬪入閣守闈引嬪從入王世子由中階陞

嬪從陞王世子揖嬪入室卽席西向立嬪卽席東向立再拜王世子荅
再拜揖嬪就席掌饌舉饌卓入設於王世子及嬪座前二人取盞酌酒
分跪進于座前王世子及嬪受盞祭酒掌饌俱進湯食又俱取盞再酌
又俱進湯食三酌用盞如再酌禮守則跪白禮畢掌饌徹饌卓王世子
入東房釋朝服守闈引嬪入幃幄釋命服王世子入幃幄嬪從者餽王
世子之饌王世子從者餽嬪之饌○嬪朝見尙寢設御座於內殿東壁
王妃座於西壁典贊設嬪拜位於東西階下兵曹陳嬪儀仗司僕寺僉
正進輦於閣外守則跪請內嚴少頃白外備嬪具命服加首飾守闈前
引以出守則請乘輦嬪乘輦侍衛如常至正殿閣外嬪降輦守闈引嬪
入閣至內殿閣外西廂東向立尙傳跪請中嚴尙儀跪請王妃中嚴尙

傳跪啓外辦殿下具遠遊冠絳紗袍出陞座尙儀跪啓外辦王妃具翟衣加首飾尙宮前導以出王妃陞座典賓引嬪入就東階下拜位掌饌一人捧棗栗盤一人捧股脩盤立於嬪右嬪四拜典賓引嬪陞自東階進御座前東向立掌饌以棗栗盤跪授嬪嬪捧棗栗盤跪置於案殿下撫之典賓引嬪降復位四拜就西階下位掌饌捧股脩盤立於嬪之左嬪四拜典賓陞自西階進王妃座前西向立掌饌以股脩盤跪授嬪嬪捧股脩盤置於案王妃撫之典賓引嬪降復位四拜典設設嬪席於王妃座之東北南向典賓引嬪陞自東階就座西南向立尙食取盞酌酒進詣嬪席前北向立嬪四拜陞席南向跪尙食以盞立授嬪嬪受盞尙食薦饌卓於席前嬪祭酒啐酒以盞授尙食嬪四拜尙食徹饌卓典賓

引嬪降自西階出尙儀進御座前跪啓禮畢殿下王妃降座還內嬪宮還內并如來儀○殿下會百官其禮如正至會儀樂備而上壽詞云具

官臣某等王世子嘉聘成禮克崇景福臣等不勝慶抃謹上千千歲壽

補附 王子婚禮儀 納采主人屬尊 宗親 具書具銜姓名時維孟春寒溫 隨時

台候二品以上台候 三品重候 六品以上雅候 七品以下裁候 多福某大君諸君則 稱某君 年已長成未

有伉儷謹行納采之禮伏惟照鑑不宣年月日使者盛服有職及前 幷紗帽品

帶 如夫人家主人盛服出迎使者陞正廳致辭曰某官貺室某大君

某官主婚者 率由先典使某也請納采以書授主人主人對曰某之子

若妹姪孫蠢愚又不能教若姑姊則 去此六字 某官命之某不敢辭受書北向

再拜使者避 不答拜 請退俟命出就次主人出迎使者陞正廳授以復書具



啣姓名奉書得審納采之禮某之女若某親某之女蠢愚又不能教

若姑姊則去此六字只云年漸長成今承尊命不敢辭伏惟照鑑不宣年月日乃以酒

饌不過三果禮使者使者復命○納幣立三緇二大君用節次及致辭同

納采禮但改納采為納幣使者以幣授主人主人對曰某官順先典

貺某重禮某敢不承命受幣再拜使者避如初禮賓及復命并同納

采儀○親迎夫人家使者張陳大君之室衾褥用綿紬木綿其屏席帳幔等物大君家備陳

其日夫人家設次于外初昏大君盛服公服其衣服乘馬以炬前導

大君十四柄諸君十柄備儀物以行宗親政府六曹二品以上官從之至夫人

家大門外下馬入俟于次主人以卓設酒尊盞於堂上夫人盛飾衣服

用綿紬木綿姆相之以出父坐於堂東母坐於堂西設夫人席於母之東

北南向立執事者斟酒詣夫人席前北向立夫人四拜陞席跪受盞

祭酒啐酒又四拜主人出迎大君於門外揖讓以入大君執鴈從至

于堂陞自西階北向跪置鴈於地再拜降自西階姆導夫人出於母

左父進命之曰敬之戒之夙夜無違命母至西階上為之整冠歛帔

命之曰勉之敬之夙夜無違諸母姑嫂娣送之于中門之內為整裙

衫申以父母之命曰謹聽爾父母之命夙夜無愆姆奉夫人出大君

遂出中門夫人從之大君舉轎簾以俟姆辭曰未教不足與為禮乃

乘轎以炬前導柄數大君乘馬先行夫人次之主人使其屬送之○

同牢大君家於室內設席東西相向大君席在東夫人席在西各設拜席於座南

酒卓於室內置兩盞盞於其上大君導夫人以入揖夫人就席夫人

再拜大君荅拜大君揖夫人就座從者設饌卓不過斟酒大君及夫人祭酒舉飲舉肴又斟酒如上儀又取盃斟酒大君及夫人舉飲舉肴徹饌卓大君脫服夫人從者受之夫人脫服大君從者受之大君從者餞夫人之餘夫人從者餞大君之餘○夫人朝見明日夫人盛飾乘轎詣闕降轎典賓引立於閣外西廂內侍入啓殿下陞座典賓引夫人入立於庭北向司贊捧棗栗盤前行立於夫人之右夫人四拜司贊以棗栗盤授夫人典賓引夫人陞自西階進座前跪置於案殿下撫之尚食進徹典賓引夫人降復位四拜又引夫人出詣中宮閣外西廂尚儀入啓尚食備酒金盞及饌卓三俟王妃陞座典賓引夫人入立於庭北向司贊捧股脩盤前行立於夫人之右夫人四拜

司贊以股脩盤授夫人典賓引夫人陞自西階進王妃座前北向跪置於案王妃撫之尚食進徹典賓引夫人降復位四拜司設設夫人席於王妃座東北典賓引夫人陞自西階就席西南向立尚食酌酒進詣夫人席前北向立夫人四拜陞席南向跪尚食設饌卓於席前夫人祭酒啐酒四拜尚食徹饌卓典賓引夫人陞自西階出閣乘轎還家○大君見夫人之父母第四日大君往見夫人之父母夫人之父迎送揖讓如客禮大君拜則跪而扶之夫人之母闔門左扉立于門內大君再拜于門外次見夫人諸尊長如上儀并禮之如常不過
 ○王女下嫁儀 納采主人具書具啣姓名時維孟春台候多福朝恩貺室于某之子或某君某親某之子某謹行納采之禮伏惟照鑑不宣年月

日使子弟為使者盛服如公主家翁主則稱主人宗親盛服出迎使

者陞正廳致辭曰朝恩貺室于某官之子某官有先人之禮使某也

請納采以書授主人主人對曰某敢不敬從乃受書再拜使者避不答拜主

人授以復書具啣姓名奉書得審納采之禮某公主年漸長成今承

尊命敢不敬從伏惟照鑑不宣年月日乃以酒饌不過三果禮使者○納

幣立三纁四用紬或布主人遣使至使者復命并同納采儀惟改納采為納幣

○親迎公主家使人張陳其壻之室衾褥屏帳同王子婚禮其日設次于外壻

具公服先詣闕行四拜禮還家初昏盛服如王子婚禮主人以卓設酒尊

盞於堂上父坐於堂之東設壻席於其西北壻陞自西階立於席西

南向執事者斟酒詣席前北向立壻四拜陞席南向跪祭酒啐酒四

拜進詣父坐前東向跪父命之曰往迎爾相承我宗事非宗子則稱家事勉

率爾敬若則有常壻曰諾惟恐不堪不敢忘命己孤自婚則不用此禮遂乘馬

以炬前導稱十至公主家大門外下馬入舍于次公主盛飾衣服用綿紬木綿

姆相之以出主人坐於堂之東主婦坐於西設公主席於主婦東北

公主立於席西南向執事者醮以酒如壻禮但再拜為異主人出迎壻於

門外揖讓以入婿執鴈以從至于堂陞自西階北向跪置鴈于地再

拜降自西階姆導公主出於主婦之左主人進命之曰敬之戒之夙

夜無違舅姑之命主婦送之西階上為之整冠歛帔命之曰勉之敬

之夙夜無違姆奉公主出壻遂出中門公主從之壻舉轎簾以俟姆

辭曰未教不足與為禮乃乘轎以炬前導稱數上同壻乘馬先行宗親政

府六曹二品以上官從之○同牢如王子婚禮○公主見舅姑明日
公主盛飾俟見舅姑坐於堂上東西相向公主進立於東階下北向
四拜陞奠棗栗盤於卓舅撫之公主四拜又詣西階下奠股脩盤如
上儀舅姑禮之如醮公主之禮惟四拜若舅姑俱亡則公主見于主
婚尊長如見舅姑之禮無贅惟再拜○公主見祠堂第三日行之○

壻朝見第四日壻詣闕具公服行四拜禮賜饋次詣中宮行四拜禮
次詣東宮行禮訖釋公服以次見宗親諸尊長并禮之如常不過五果

中宗十年壺位未定淑儀朴氏寵冠後宮欲援章敬之例自陞中位
上欲從而不知大臣之意令懇辭求之鄭光弼獨奮然不許曰正位當
更求淑德名門不可以側微陞遂以真西山大學衍義齊家之要范祖

禹擇后之事進諫朴氏之意遂沮 上意亦定於納新妃士林聞之相
語曰光弼此舉雖宋韓富無以過也

十二年 文定王后嘉禮時 教曰古云婚姻之禮正然後品物遂天
命全可令禮官撰定親迎之儀其修理太平館以為館所 上具冕服
親迎王妃于太平館 王妃御宣政殿受內外命婦賀百官陳賀于仁
政殿

上命招政府六曹 教曰昔魯哀公問冕以親迎不已重乎孔子對
曰合二姓之好以繼先聖之後以為天地宗廟社稷之主君何謂已
重乎今雖勢異於古正禮豈可廢也行親迎之禮以示臣民重配匹
之意何如領議政鄭光弼等曰自 祖宗朝無親迎之禮臣等謂依

增補文獻備考 卷七十三
五禮儀行之可也 上曰予見五禮儀他節目備詳而獨於親迎闕焉予意以爲正禮當自上行之然後下必效焉令弘文館博考古禮直提學李籽等啓春秋紀履緌來迎女程子曰先儒皆謂諸侯當親迎親迎者迎於其所館故有親迎授綏之禮所謂親迎者迎於所館耳胡寧曰天子太上無敵於天下王后所與共事天地宗廟繼萬世之重者也其禮使同姓諸侯主之其詞命卿往逆公監之父母之國諸卿皆送之京師舍而止然後天子親迎以入按冠婚禮惟有士禮而無天子諸侯之禮蓋成人之與夫婦自天子至於士一也朱子曰古者天子必無親至后家之禮今妻家就近設一處却就彼往迎婦歸館成禮一則妻家出去一處婿則就彼迎歸成禮國家五禮儀只

有王世子親迎之禮於納妃闕之者乃以擇妃不得出他國亦用太上無敵於天下之例也程子所云迎於所館胡氏所云諸卿皆送之京師舍而止然後天子親迎以入於今日制禮爲有可據但親至妃家以迎則未安先定館所親出以迎似合於禮府院君柳洵議我國無隣國與婚故五禮儀闕其禮也宜親迎於館所宋軼南袞曹繼商崔淑生丁壽崗鄭光弼金應箕申用漑權勻金詮尹珣高荆山李繼孟議五禮儀乃先王成憲豈必迎于委巷乃爲盡禮 上曰從柳洵議又 教曰鄭光弼等謂行此禮則頗乖於成憲 祖宗朝禮文有可舉之事自我不行則可謂毀先王之成憲素所不舉之正禮自我之行何毀之有自今以後定爲恒規添錄五禮儀註使後世遵行李

地補文獻備考 卷七十三
李紆啓奠鴈奉迎等禮已行於王妃家 上則只迎於館所以入從之
李紆啓請中宮行廟見禮不從

副提學趙光祖啓曰外命婦淫穢之人恐或進參於大禮請黜門
外使不得留在城中 上從之時去燕山時不遠命婦中被汗者多
故光祖論之

補宣祖二十二年以駙馬揀擇單子 傳曰國家取人之規至狹至於
婚嫁之際姓字雖同或有非出於同貫者則安可并諉以同姓而不取
之乎今者駙馬單子中無姓李者若非同貫則取之何妨令禮曹議啓
禮曹啓曰我國之人姓氏所自出頗不能明或有初爲一姓而後乃因
其移居之地遂爲某地某氏或有初未有顯名者而中間托爲某地某

氏之族如此等類有難盡攷取人之規誠似狹矣而入我朝後國婚之
時未聞有此等事取攷臚錄亦無可據之地請廣收廷議 傳曰觀士
大夫家則未有嫌此者而獨於國婚則有如此襍說是何道理况 世
宗朝有李淑儀者則是我朝亦嘗有是事也禮曹啓曰今承 上教始
知有李淑儀之例是我朝以來不可謂無是事也第考大典則有勿取
同姓條所謂李淑儀必是大典頒行前事而其淑儀之或初入爲淑儀
或自宮人陞爲淑儀與否皆未可知也然則後世當以大典爲率此外
似不容他議 傳曰 世宗聖人也聖人之事後世子孫當取以則之
大典先後不必論也况此事雖無古例自我作古可也議諸臣領議政
李山海右議政李陽元等回互遷就不立主角府院君俞泓參判李誠

增補文獻備考 卷七十三
中等力言其不可 傳曰姑置之

三十五年 仁穆王后嘉禮行親迎儀七月二日 上具冕服御別殿
命正使左議政金命元副使戶曹判書韓應寅行納采禮于別宮四日
御別殿行納徵禮十三日行册妃禮正使金命元副使韓應寅奉迎于
別宮 上具冕服親迎于館所入闕行同牢宴中宮御正殿受內外命
婦及百官賀

弘文館啓定親不載五禮儀只見於大明會典繼而有納徵之禮則
似以定親代納采之禮既有定親禮物其下又有納采之物則定親
未知爲何禮按禮記婚儀有納采問名納吉納徵請期親迎之禮文
獻通考開元禮皇帝納后儀有臨軒命使者行納采之禮次問名納

吉納徵告期命使奉迎之禮杜氏通典載漢惠帝以後納后之禮而
節文不備晉穆帝永和十年納后時六禮無定親之文大明會典親
王婚禮開錄定親禮物名目而納采問名納吉儀節全闕只錄納徵
禮儀以文勢觀之則定親之禮似兼納采以下三禮五禮儀納妃儀
有納采以下儀節而亦無定親之文定親禮物必是在前已行之禮
似六禮外別行矣

禮曹啓婚姻六禮自古通行杜氏通典所謂納采納徵問名告期册
妃命使奉迎同牢亦六禮則通典與五禮儀名目似不同而中廟
朝定妃後行納采納徵告期親迎此則只行四禮而同牢則親迎日
自內行之册妃之禮不現於謄錄然此一節則大禮之尤不可廢者

皇太子婚禮儀注亦有册封親迎之禮其不以親迎廢册妃一節明矣弘文館啓册妃儀考見文獻通考開元禮皇帝納后儀有納采問名納吉納徵告期命使奉迎同牢等禮其下有皇帝臨軒册命皇后之儀此則與五禮儀所載六禮後册妃之文大略相近以此觀之六禮中册妃似是先行册禮於妃氏第也六禮後册妃似是升位授册之大禮也兩件儀節似有次第矣先是壺儀未建李珣疏陳擇妃之道曰古之帝王所與婚者莫非仁賢之後其求之之道不過曰窈窕淑女寤寐求之求之不得寤寐思服而已未聞聚闕庭辨優劣如今日之爲請自今勿以容姿服飾推卜吉凶爲等級先觀父母之賢否以察家法次觀威儀之合度以察女德宣問大臣允協衆心然後乃

定則國家之福也

李璽雜記曰 祖宗朝惟王妃及東宮嬪則收取士大夫處女年歲單子入闕選擇此外或令尙宮或令監察就其閭閻本家擇而議定至 宣廟朝始皆收單子詣闕擇之

仁祖十六年 莊烈王后嘉禮成大臣以坤儀久曠請行册妃禮 上從之十二月二日行親迎禮

松禾縣監姜興載疏言兵火之後奢侈如前吉禮當前浮費必多願毋忘南漢之窘 上善之將行告期禮貞惠翁主卒退行告期禮命退嘉禮於明春禮曹啓同姓叔母期而嫁則降大功天子諸侯絕期大禮不宜退又曰往在丁卯貞淑翁主葬日適與王世子嘉禮相值

命改擇日其時議臣猶爭之以爲不可以私喪進退大禮况大婚乎魯昭公欲喪慈母有司以聞曰古之禮慈母無服今也君爲之服是逆古之禮而亂國法也今以無服之喪欲比於有服進退大禮不幾於魯有司之戒乎命議大臣大臣議同從之禮曹啓 中廟復三代之盛禮於久廢之餘甚盛事也當時名儒滿朝討論經傳以成一代之儀必彬彬可法於後世惜其不傳大明會典皇太子親迎儀差近之皇太子奠鴈後主婚者八拜而我國無八拜以四拜爲定皇太子妃王世子嬪就轎時皆有揭簾舉簾之文而揭簾似太謙屈略倣同牢宴揖就席之文請改以揖就輦 上從之且命問 宣祖壬寅年事於延興府院君家以爲例

補宋時烈己丑封事曰臣按古人惡艷妻戒盛色者至矣我朝於選擇妃嬪之時悉聚士夫處女於內庭納其姿色之尤者此與諸侯不漁色之道大相反而適所以基艷妻盛色之禍矣選擇之意旣乖於初則禮法之謹難責於後矣宮闈之不正實始於此矣竊念我春宮年歲漸長數年之後當議六禮伏乞預講世族女德一用議昏之禮而革去親揀之規以正家法幸甚又按先儒以爲天子一娶十二女諸侯一娶九女而無再娶之法者蓋人君多死於欲故欲其一時齊老而防淫泆也此非但家法之要義亦是養性命之道也

補又與李選書曰駙馬預賜其封徑先出入於近密之地其褻甚矣雖士庶不可如是况帝王家乎溫公制昏禮女至壻家即見舅姑朱

子非之蓋未成婦則不得爲舅姑也況以臣子未成壻而可徑受封爵出入無防耶此正朱子所謂大本不正事事皆病者也

補宣祖朝嘗選儀賓目屬趙啓遠曰此兒如鶴立鷄群眞國器留作他日宰相可也爲主擇婿何必此兒遂不被選

孝宗元年以淑安公主吉禮時圍繞服色事係變禮命議大臣領議政李敬輿以爲婚姻時圍繞本非古禮況自上方在哀疚中百僚衰麻四方縞素二品以上多官變白襲吉隨行於肅離之後斷無此理六珈之粧百兩之飾宜務從朴素 上從之圍繞服色定以素服

二年王世子嘉禮時命停會禮宴遂減內外命婦床排花朵

顯宗十二年王世子行親迎禮明日世子嬪入闕行棗栗股脩之禮

兼侍講院輔德李端夏疏請嘉禮時凡以珠玉爲服玩之飾者一切去之又請罷戶曹所納珠扇價且禁私家婚禮用珠扇

補十四年明善公主三揀擇後喪出 上命仍存駙馬孟萬澤爵號又令入見喪事右議政金壽興獻議以爲諸般吉日旣已推擇啓下嘉禮廳亦爲排設此正禮所謂告期而未成婚者婿爲齊衰服而吊之旣葬而除之者也仍存與否固不敢臆斷而但帝王家禮節與士夫家不同爵號仍存雖出於有所不忍而前頭難處之事不止一二 聖上亦已念及于此否耶遂還收爵號

肅宗七年 仁顯王后嘉禮行親迎儀五月 上具冕服親迎王妃于別宮行同牢宴于儲承殿

增補文獻備考 卷七十三
辛酉東平尉鄭載崙以主沒子天上疏援班城尉姜子順河城尉鄭顯祖例乞再娶且引 先朝欲存孟萬澤尉號而使之娶妻之意以爲儀賓再娶之證 上答曰 先王下教及姜鄭兩人之事亦足爲再娶之明證特許後娶之請俾續已絕之嗣司憲府啓言其不可遂寢其命仍命定儀賓毋得再娶之法

補大司憲南二星疏曰都尉之號實緣尙主則再娶之後當存其號耶當削其號耶若削其號則便同外人不可仍主公主之祀若存其號則爲後妻者當視都尉之品而受命婦之爵其在事理可乎否乎如或只許再娶不許封爵則以無品秩之一匹婦生與都尉抗禮死與貴主並食此又萬萬無是理矣且以載崙疏中故事論之姜子順

繼娶之教後乃變改云爾則非所論於今日也鄭顯祖之再娶公主香火初歸之內司後屬之鳳城終不令鄭家子孫主之則 祖宗朝所以處此亦必有其意矣且顯祖以縱其妻僭擬公主觀之其爲人可知國朝儀賓之有知識守禮法者亦多何乃以驕姿不法之顯祖援以爲自處之證哉

英祖二十年王世子行親迎禮翌日 大殿中殿同侍 大妃殿受世子嬪朝見嬪進殿於 大妃殿大妃行醴婦禮

禮曹判書閔應洙啓朝見禮領相金在魯以爲以統於尊之義言之大妃殿旣行醴婦之儀則一日不可再行 中宮殿似不當爲之云右相趙顯命則以爲 大妃殿雖以義起行而廢 中宮殿應行之

節未安云蓋親迎時醴女于房中父母分東西坐朝見禮時舅姑亦分東西坐設嬪席於王妃座之東北南向此可見斯禮也父母舅姑主之朝見之禮舅姑爲重則此禮之闕於中宮殿事涉欠缺命從領相議

三十五年 中宮殿嘉禮時 教曰今番下教一則承 慈意一則爲宗祊抑何心循例豫大乎禮曰取婦之家三日不舉樂思嗣親也噫五十年奉我 聖母寶算回甲之年七旬之歲仰體 慈德一未稱觴不能盡禮之恨尙彌于中定例中所載宴牀今何論哉同牢宴外大卓及宴牀大小膳并與樽花而除之教命冊寶床勿爲新造修補時勿爲金花粧飾玉帶以內下者用之佩玉圭以度支尙方所在者用之輦輿亦仍舊用之畫龍燭代以紅燭以示予意

三十七年王世孫嬪嘉禮時 教曰今番世孫嬪朝見禮三百年初有之事其日 大殿中宮殿朝見禮行於光明殿世子宮嬪宮朝見禮行於祥輝堂○教曰先儒有云婚姻論財夷虜之道可謂格言心常誦之况我朝以儉德相傳漢史亦不云高髻廣袖之譏乎近者侈風日盛宜自王公始噫繼三百年 宗社者卽世孫也白首暮年豈意見此宜先示儉然後可以體 列朝崇儉之德意故特取世孫嘉禮定例手書以減凡嘉禮懸註者外書以今減者差等之意只書減字者勿論今番嘉禮皆遵此例噫己卯憶昔年雖減大卓樽花足行大婚昔日 慈教進宴時絲花鳳代紙花畫龍燭代紅燭此則豈徒今番凡嘉禮吉禮皆用

增補文獻備考 卷七十三
此例頃年上號時緞袂代袖袂莫重 太室用袖册嬪時教命印册櫃
袂代袖嘉禮大禮皆遵此而衣櫛中不緊者亦減下以示予暮年勤儉
之意噫不在豐侈惟在禮文祛其侈而國之金枝玉葉其若繁盛豈不
休哉○又 教曰噫堯舜土階之時豈用金銀虞臣諫漆器箕聖嘆象
著以此觀之禹貢金三品不過土產金輅玉輅不過名也豈金玉飾哉
蕭道成陋矣不過六朝之君自期黃金如土况法三代者乎舜之十二
章繡繪之時亦不過將土產美黻冕者也後世衣服飲食以侈爲務甚
至於一釵七十萬金尋常非之奚特三代當法祖宗 穆廟金枝之繁
衍莫盛於當時而吉禮所與之物有鍍金於銅者故昔年 慈聖將此
而欽歎儉德噫末世銀鍍金猶爲羞耻况銅鍍金乎以此之故凡於嘉

禮非純金則不爲其雖純金淪色則鍍金以貫子言之昔小而今大以
尙方所進言之一圈之費至於兩金嘉禮凡事務從節略輦輿所飾每
欲一問而未果昨聞果銅鍍金云諸嬪以下所乘者飾以豆錫而色如
金焉金與錫色黃一也其若禁奢宜先乘輿且永久之道錫雖久不渝
曾見古之銅鍍金杯年久色淪不若乎錫輦已禁金起畫器亦禁塗水
銀况此乎自今嘉禮時輦輿所飾勿用金代以錫凡服用前之純金者
皆爲鍍金禁紋緞之後餘奢猶縷自今使行亦禁質以示予暮年禁奢
之意

清衍郡主吉禮時 教曰噫昔公父文伯之母季康子之叔母也康
子往焉闔門而與之語皆不踰闕孔聖稱之此後王姬與王孫姬下

嫁時舅家之親新婦禮時只三四寸許見常時止於五寸以示予重
王姬之尊嚴內外之分

續五禮儀 納妃親迎儀車駕出宮如儀至大次尚宮捧鴈隨詣正廳

東壁傅姆導王妃就西壁殿下受鴈奠北壁主人四拜主人主母戒辭

如奉迎儀殿下揖王妃就輦殿下乘輦進發王妃乘輦詣闕 中宗朝始行親迎禮

而舊儀不傳 肅宗壬午有此儀

續純祖三年淑善翁主下嫁 親製女則七編女戒六章以賜之

續今 上五年七月命王世孫嘉禮時設都監定式

領議政金炳學啓臣以五禮便考校正事有所仰奏者矣王世孫册

禮時設都監而至於嘉禮時只設廳都提調亦置之者雖是古例攸

在揆以事體恐不異同嘉禮時設都監一依册禮時請設都監舉行
定式從之

增補文獻備考卷之七十三

增補文獻備考卷之七十四

弘文館 纂輯 校正

禮考 二十一

冊禮

高麗太祖天授四年冊子武為正胤正胤即太子也

宣宗三年王上册于王太后御乾德殿受賀賜宴自祖宗以來冊禮多

廢至是復之

毅宗時祥定冊太后儀 王坐殿太尉司徒升樞密奉制曰朕若稽古

尊母為王太后今遣卿等備禮物上册者王親傳冊寶太尉跪受冊司

徒跪受寶出太后坐殿樂作王於殿上肅拜太尉司徒就內給事前跪

稱太尉臣某司徒臣某等承遣備物典冊訖上殿跪讀冊官讀冊太尉
司徒奉冊授尚宮尚宮授司言司徒以璽及物狀授尚服尚服授司寶
太尉以下降致詞內給事宣令曰公等推崇寶位深用感愧戶部進物
狀外官持表員取表傳授太后降座樂作王入幕百官致賀拜舞禮畢
宴群臣宰樞奏臣等伏審聖上玉冊備儀璇宮薦號協邦家之同慶實
社稷之永圖臣等無任蹈躍歡呼之至又跪奏伏審尊奉慈闈封崇大
位臣等不勝大慶謹上千萬歲壽酒令公進酒樂作閣使傳曰所賀已
知卿等各赴座行禮宴謝恩致詞○冊王妃儀 告太廟別廟景靈殿
王御大觀殿禁衛奏山呼樂作使太尉副司徒再拜宣制曰冊某氏爲王妃
命卿等持節展禮使副跪受詔跪受節跪受冊跪受璽綬出至宮庭受

冊者拜舞蹈奏聖躬多福冊使宣制受冊者跪受詔讀冊官讀冊受冊
者跪受冊跪受璽綬以授宮官使副出筵伴揖使入交呈起居狀進茶
酒筵伴請獻至三賓稱不敢辭賓請酬筵伴至三筵伴稱不敢辭進酒
食至五盞宣送花酒使副讀冊筵伴戴花酌宣酒樂作舞蹈宮庭別送
花酒賓戴花飲幣篚宮官具狀授賓從者宮庭設香案受冊者跪進表
冊使立受又跪進謝花酒表勸花使立受詣殿門進表復曰奉詔冊王
妃禮畢翌日百官奉表賀又詣王妃殿賀辭云王妃肅雍夙著至德膺
期令月吉日光膺寶冊某等不勝大慶王會群臣辭云王妃坤儀配天
德崇厚載令月吉日光膺寶冊臣等不勝大慶謹上千萬歲壽酒○冊
王太子儀 告太廟景靈殿諸陵祠王御大觀殿山呼樂作宣制曰冊

元子爲王太子命卿等持節展禮取詔函授册使取節及册函及王太子印左春坊印授使副太子出宮門外揖入跪受詔聽宣册跪受册受印使出太子出門揖筵伴揖使入交呈起居狀進茶酒筵伴請獻至三賓稱不敢辭進酒食至五盞宣送花酒使副讀册押册及筵伴戴花酌宣酒樂作拜舞蹈宮庭別送花酒賓戴花飲幣篚宮官具狀授從者太子拜表於麗正殿庭使副奉表詣殿門附近臣聞奏復曰奉詔册王太子禮畢太子着絳紗袍詣王及王后前再拜致辭翌日百官奉表賀辭云王太子岐嶷夙著令月吉日光膺寶册臣等不勝大慶又詣王后前賀王會群臣上壽辭曰謹上千萬歲壽酒

補本朝 定宗二年封崇 太上王太祖建宮曰德壽府曰承寧

以開國定社皆 靖安君之功乃册爲王世子

臣謹按妃嬪儲嗣册封有國之常禮也其恒有者不悉錄只錄其不恒有者云

補太宗庚辰封崇上王定宗大妃定安王后○

十八年世子禔以失德廢爲讓寧大君 上立 忠寧大君世宗爲世子行册禮

臣謹按讓寧知 英廟有聖德陽狂自廢人比之太伯仲雍事實之散見於公私文字者甚多傳爲國朝盛事云

補世宗戊戌封崇 上王太宗大妃元敬王后○

三年右相李原等以封崇太上之意啓于 上王上王曰予之讓太上

其意有三一則 太祖爲太上王二則仁德殿未封太上三則德不及
矣固請乃許 上率百官以玉冊金寶尊 上王爲聖德神功太上王
十九年 上御勤政殿封良媛權氏爲王世子嬪前此冊封教命皆書
以紙至是始依中國之制織用五色絲飾以黃金軸展織教命二字於
始面次書曰教旨權氏爲王世子嬪者

世宗朝禮曹啓古典天子之配曰皇后王之配曰王妃歷代未嘗復
以美號加之至於宮人則各稱號以別名位本朝之制王妃稱某妃
如稱恭
妃之類世子嬪稱某嬪皆加徽號有違於禮請遵古制只稱王妃世
子嬪從之

補世祖乙亥封崇

太上王

宗端

大妃

定順王后
詳見帝系考

補五禮儀 冊妃儀禮曹宣攝內外各供職掖庭署設御座掌樂院設
軒懸司僕寺正設輿輦禮曹正郎陳彩輿兵曹陳妃輦及儀仗典樂陳
鼓吹兵曹陳細仗宗親文武百官及使者各具朝服禮曹正郎捧教命
函冊函寶綬及命服函各置於案左通禮跪啓請中嚴殿下具冕服御
正殿繳扇侍衛如常儀近侍及執事官先行四拜禮就位引儀分引宗
親文武百官入就位左通禮跪啓外辦殿下乘輿以出繳扇侍衛如常
儀殿下陞座宗親文武百官四拜引儀引使者以下入就位四拜傳教
官跪啓傳教執事者公服對舉教命冊寶函從之傳教官宣教曰冊某氏
爲王妃命卿等典禮使者以下四拜執事者以教命案進傳教官傳教
官授正使正使北向跪受宣案傳教官取冊函寶綬授正使並如上儀

使者四拜引儀引使者由東門出舉教命冊寶命服案者前行使者以教命冊函寶綬及命服函各寘于彩輿細仗鼓吹前導使者以下隨行宗親文武百官四拜左通禮跪啓禮畢殿下降座乘輿以入繖扇侍衛如來儀○妃受冊典設司設使者次內侍府設外命婦次於正殿門外尙寢設王妃受冊位於殿庭階間北向典贊設內命婦陪列位及外命婦拜位於殿庭尙儀跪啓請中嚴使者至宮門外掌次者迎入次司僕寺副正進輦於幕南內侍府陳妃儀仗於輦前引儀引使者以下出就位正使跪稱具官臣某奉教授王妃備物典冊舉教命冊寶案者以次進副使取教命冊函寶綬授正使正使跪授尙傳尙傳捧詣正殿閣外跪寘於案內侍捧儀仗詣閣外北向立內命婦俱以禮服就閣外東廂

西向立典寶引就陪列位外命婦出次就門外位尙儀跪啓外辦王妃具翟衣加首飾尙宮前導降自東階就受冊位跪取教命冊尙服跪取寶綬俱進立於王妃之右尙寢傳捧儀仗陳於其後王妃四拜尙宮開函宣冊訖還寘於函王妃四拜尙宮捧教命及冊函西向跪授王妃王妃跪受以授尙記四妃跪受以授典言尙服捧寶綬西向跪授王妃王妃跪受以授尙記四拜尙寢設王妃座於正殿北壁設教命冊寶函於座前尙儀跪啓請陞座尙宮導王妃陞自中階陞座繖扇侍衛如常儀典言尙記寘教命冊寶案內侍陳儀仗於殿庭內命婦就拜位四拜跪典言代致詞云嬪妾某氏等敬惟殿下德昭厚載正位宮壺凡厥臣妾不勝慶忭賀訖內命婦四拜典寶引出外命婦入就位四拜典言代致詞云妾某公主等詞

增補文獻備考 卷七十四
與內命婦同賀訖外命婦四拜典賓引出宗親文武百官具朝服詣宮門外陳賀如常儀具官臣某等敬惟王妃殿下徽猷昭著至德應期凡厥臣庶不勝慶躍尙儀跪啓禮畢王妃降座還內使者還至正殿庭北向跪正使復命曰奉教授王妃備物典冊禮畢四拜使者退王妃受賀訖司設設箋案於正殿尙記捧箋函寘於案尙宮導王妃詣箋案前北向跪尙記取箋函進詣座尙儀跪進王妃受箋函以授尙宮尙宮復寘於案王妃四拜尙宮捧箋函由中門出降自中階至閣授尙傳尙宮導王妃還內尙傳捧箋函詣正殿庭北向立傳教官傳捧以啓尙傳還詣宮復命百官朝賀宗親文武百官具朝服進箋陳賀如常儀○會百官如正朝會儀上壽詞云議政具官臣某等王妃德昭厚載正位宮壺克

昌萬葉明嗣徽音凡厥臣庶載懷鳧藻臣不勝慶抃謹上千千歲壽○王妃會命婦如正朝會儀壽詞如受冊致詞○冊王世子儀禮曹宣攝內外各供其職掖庭署設御座於正殿北壁掌樂院設軒縣於殿庭典設司設王世子次於正門外典儀設王世子位於殿庭宮官依時刻集到各具其服翊衛司陳仗衛兵曹陳鹵簿半仗司僕寺正陳輿輦於殿庭宗親文武百官俱集朝堂各具朝服弼善跪請內嚴又白外備王世子具冕服出侍衛如常儀禮曹正郎捧教命冊函印綬各寘於案左通禮詣閣外跪啓請中嚴殿下具冕服出御正殿繖扇侍衛如常儀近侍及執事官先行四拜禮訖先就位引儀分引宗親文武百官入就位奉禮引王世子出次西向立左通禮跪啓外辦殿下乘輿以出繖扇侍衛

如常儀殿下陞座宗親文武百官四拜奉禮引王世子由東門入就位
四拜傳冊官跪啓傳教執事者服公對舉教命冊印案從之傳冊官降詣
王世子東北西向立稱有教王世子跪傳冊官開函取冊宣訖王世子
四拜傳冊官以冊還寘於函執事者舉教命冊印案以次進傳冊官捧
教命函授王世子王世子北向跪受以授輔德傳冊官又捧冊函授王
世子王世子受以授弼善傳冊官又捧印綬以授王世子王世子受以
授翊贊輔德弼善翊贊各捧教命冊函印綬立於後王世子四拜奉禮
引王世子由東門出捧教命冊印者前行王世子入次宗親文武百官
四拜左通禮陞自西階跪啓禮畢殿下降座乘輿以入繖扇侍衛如常
儀○朝王妃尙寢設王妃座於正殿北壁內侍府陳儀仗於殿庭典贊

設王世子位於殿庭東王世子受冊訖弼善引王世子翊贊負印前行
詣宮門外內侍承引至正殿閣外東廂西向立尙宮以下各具禮服尙
儀跪啓請中嚴又啓外辦王妃具翟衣加首飾尙宮前導以出王妃陞
座典賓引王世子入就位四拜典賓引出內侍承引以出尙儀跪啓禮
畢王妃降座還內弼善引王世子還宮侍衛如常儀○百官朝賀宗親
文武百官具朝服進箋陳賀如常儀其致詞云議政具官臣某等茲遇
王世子岐嶷夙著令月吉日光踐承華不勝大慶次詣中宮正門外陳
賀如常致詞上同○百官賀王世子宗親文武百官改具公服詣東宮
門外位王世子具服出陞座二品以上陞堂上三品以下入庭行禮如
正至賀儀無致詞殿下會百官如正至會儀上壽詞云某官臣某等王世

子岐嶷夙著令月吉日光踐承華臣等不勝大慶謹上千千歲壽○王妃會命婦如正至會儀壽詞云妾某姓等措語上同會百官○册王世子嬪儀禮曹宣攝內外各供其職掖庭署設御座於正殿掌樂院展軒懸於殿庭兵曹陳鹵簿半仗於殿庭司僕寺正陳輿輦於殿庭禮曹正郎陳綵輿於正門外兵曹陳嬪輦及儀仗典樂陳鼓吹兵曹陳細仗宗親文武百官及使者以下各具朝服皆就門外位禮曹正郎捧教命函册函印綬及命服函各置於案左通禮詣閣外跪啓請中殿殿下具遠遊冠絳紗袍御正殿繖扇侍衛如常儀近侍及執事官先行四拜禮訖先就位引儀分引宗親文武百官入就位左通禮跪啓外辦殿下乘輿以出繖扇侍衛如常儀殿下陞座宗親文武百官四拜引儀引使者以

下由東門入就位四拜傳教官跪啓傳教由東門出執事者公服對舉教命册印函從之傳教官稱有教使者以下跪傳教官宣教曰册某氏爲王世子嬪命卿等典禮使者以下四拜執事者以教命案進傳教官取教命函授正使正使北向跪置教命函於案傳教官取册函印綬授正使並如授教命之儀四拜引儀引使者由東門出舉教命册印命服案者前行使者以教命函册函印綬及命服函各置于彩輿細仗鼓吹前導使者以下隨行宗親文武百官四拜左通禮跪啓禮畢殿下降座乘輿以入繖扇侍衛如來儀○嬪受册典設司設使者次於宮門外掌正設嬪受册位於內堂庭中北向設良娣以下陪列位於堂庭東守則贊請內殿使者至宮門外掌次者迎入次教命册函印綬陳於幕內司僕

寺僉正陳輦於幕南兵曹陳嬪儀仗於輦前引儀引使者以下出次就
位正使稱具官某奉教授王世子嬪備物典冊尙傳傳告守則守則入
白舉教命冊印案者以次進副使取教命冊函印綬授正使正使以教
命冊函印綬授尙傳尙傳奉詣閣外跪置於案良娣以下具以禮服就
陪列位守則跪白外備嬪具命服加首飾守閨引出降自西階就受冊
位掌書跪取教命冊函印綬立於嬪前嬪四拜掌書稱有教嬪跪守則
跪受教書授嬪嬪受以授守閨守則受冊函印綬授嬪如上儀嬪四拜
掌正設嬪座於內堂東壁守閨引嬪陞中階卽座掌書引良娣良媛以
下陞就位再拜嬪答拜無良娣則無答拜守則跪白禮畢嬪降座還內使者還
至正殿庭東北向立復命曰奉教授王世子嬪備物典冊禮畢四拜退

嬪朝見如納嬪儀惟無禮嬪

補臣謹按冊禮國家大典禮而原本所載五禮儀似涉埋沒無
以攷据行禮故謹就五禮儀本文刪繁祛複序次如右

補仁祖二年尊 王大妃爲大王大妃時大臣禮官等言自古以子承
統則母后稱王大妃以孫承統而大妃在祖母行則稱大王大妃漢上
官皇后之於宣帝時宋宣仁皇后之於哲宗時皆稱太皇太后我朝
貞熹王后至 成宗朝亦稱大王大妃 上命如其言

二十三年昭顯世子卒元孫年幼 上以國有長君社稷之福乃立
鳳林大君爲世子行冊禮

補二十七年 王世孫宗顯冊禮時冠服以雙童髻黑色袞龍袍翼善冠



五章冕服行禮 詳見章服

七年定王世子册禮時服色以雙童髻用冕行禮明年復定王世子册

禮儀以空頂幘行禮 並詳見章服

肅宗辛酉 仁顯王后册禮後册封客使欲依內藩例親傳詔命廟議欲使僮使拒塞其說而終不可得則且許以中官宮人為傳受之階以比內藩之例持平金構上疏力爭以為清使僮使待諸臣斷示不許之意而終不可得則姑留客使於中路急走一介之使據理陳請又命臬示譯輩一二人以為懲勵之地使客使亦知其終不可加以非禮脅以威勢則國勢自尊後弊可杜云客使知終不可強不敢復言
景宗元年 上寢疾無嗣奉 大王大妃手書下教立 延祔君為王


世弟 英祖 行册禮 詳見帝系考

禮曹啓取考 祖宗朝故事則 定宗朝册 太宗為世子豈帝王家以繼序為重而然耶抑其時 太祖方在上王位至尊所壓無嫌於世子之稱而然耶歷代皆封為太弟今此名號以世弟為定似宜命議大臣領議政金昌集左議政李健命以為先正臣李彥迪當 仁宗違豫之日 明宗方為大君而有封為世弟之議今此位號似當定為王世弟從之

續五禮儀 王世子入闕自本宮乘輦至殿門降輦步過正路受册於

正殿庭跪拜如儀 仁祖乙酉册 孝宗為王世子始有此儀 景宗辛丑册 英祖為王世弟亦遵用

續今 上光武元年九月追册 大行王后閔氏為皇后○儀注 前



一日主殿司設 御座於太極殿北壁南向設寶案於座前近東香案

二於殿外左右設册寶案各一於寶案之南册東寶西設奉節官位於

册案之東設掌節者位於奉節官之左俱西向協律郎展宮懸於殿庭

陳而設舉麾位於西階上其日主事 掌禮院臚設宗親文武百官及使

者以下內外位執事官位並如常鼓初嚴侍從院陳鹵簿儀仗陳輿輦

及仗馬陳彩輿鼓吹細杖并如常宗親文武百官及使者以下各服朝

服 四品以上朝服 五品以下黑團領 鼓二嚴皆就外位掌禮院官捧册函寶盃各置於

案諸護衛之官各服其服俱詣閣外伺候左掌禮詣閣外跪奏中嚴

皇帝具冕服御內殿繖扇侍衛如常儀近侍及執事官先行四拜禮如

常協律郎入就位鼓三嚴執事官先就位主事引宗親文武百官入就

位鼓聲止闕內外門左掌禮跪奏外辦 皇帝乘輿以出繖扇侍衛如

常儀左右掌禮前導至降輿所左掌禮跪奏請降輿 皇帝降輿左掌

禮跪奏請執圭近侍跪進圭 皇帝執圭陞座爐烟升捧寶置於案繖

扇侍衛如常儀近侍分入殿內贊儀唱鞠躬四拜興平身宗親文武百

官鞠躬四拜興平身主事引回班相向立主事引使者以下入就位贊

儀唱鞠躬四拜興平身使者以下鞠躬四拜興平身承制官 秘書丞進當

座前俯伏跪奏宣制由中門出執事者對舉册寶案從之承制官降自

中階詣使者東北西向立執事者舉案降自中階立於承制官之南少

退俱西向承制官稱有制贊儀唱跪使者以下跪承制官宣制曰册

王后某氏為皇后命卿等持節展禮宣訖贊儀唱俯伏興四拜興平身

使者以下俯伏興四拜興平身奉節官院秘書丞率掌節者進使者前奉節

者脫節衣以節授奉節官奉節官以節授正使正使進北向跪受以授

掌節者掌節者跪受興立于正使之左執事者各以册函寶盃進承制

官前承制官取册函授正使正使進北向跪受舉案者對舉進正使之

左跪正使宣册函於案舉案者對舉退立於使者之後承制官取寶盃

授正使並如授册函之儀訖還侍立贊儀唱俯伏興四拜興平身使者

以下俯伏興四拜興平身主事引使者由東門出掌節者由正門出加

節衣前導舉册寶案者次之使者以册函寶盃各宣于腰彩輦細仗鼓

吹前導鼓吹陳而不作次執節者次册與次寶與次儀仗次使者以下隨詣

殯殿主事引宗親文武百官俱復拜位贊儀唱鞠躬四拜興平身宗親

文武百官鞠躬四拜興平身左掌禮進當座前跪奏禮畢 皇帝降座

左掌禮跪奏請釋主 皇帝釋主近侍跪受主左掌禮跪奏請乘輿

皇帝乘輿還內繖扇侍衛如來儀主事引宗親文武百官出左掌禮跪

奏解嚴奉 旨放仗使者以下隨詣 殯殿行禮如儀後持節復命如

常○皇后册寶奉詣 殯殿行禮儀 前一日主殿司設權宣節及册

寶幄於 殯殿大門外之東西向設使者次於册寶幄之南近東西向

其日主事掌禮院臚唱課下同設使者位於門外之東西向北上舉節者及册寶

案者在南差退西向設奉侍位於使者之西東向又設使者拜位於中

門外北向奉侍設權宣節及册寶案於 殯殿閣外近限又設權置册

寶褥位於 殯殿西階下東向使者至 殯殿大門外以節及册寶權

寶褥位於 殯殿西階下東向使者至 殯殿大門外以節及册寶權

寶褥位於 殯殿西階下東向使者至 殯殿大門外以節及册寶權

寶褥位於 殯殿西階下東向使者至 殯殿大門外以節及册寶權

寶褥位於 殯殿西階下東向使者至 殯殿大門外以節及册寶權

寘於幄主事引使者入就西向位舉節及册寶案者各對舉案從入就
位奉侍詣使者前東向跪使者跪稱議政臣某等奉制謹奉上 皇后
金册金寶稱訖舉節及册寶案以次進使者前使者取節授奉侍奉侍
受使者取册函授奉侍奉侍受使者又取寶盃授奉侍奉侍受捧詣閣
外跪置於案俯伏興退舉節及册寶案者各以案授奉侍先置於 殯
殿階下權置褥位使者以下權退次尙宮尙服 若吉服以下 諸執事同 詣閣尙宮
跪取册函尙服跪取寶盃俱入置於權置褥位案上前二刻攸司進禮
饌尙食率其屬傳捧入設於 靈座前設香爐香盒並燭於其前設尊
於戶外之左置盞三於尊所前一刻贊儀先入就位主事引使者就拜
位贊儀唱鞠躬四拜興平身使者鞠躬四拜興平身贊儀唱跪使者跪

尙食進香案前跪三上香酌酒奠于 靈座前 進奠 俯伏興少退北向

跪典言進 靈座之左西向跪讀祝文訖俯伏興還侍位奉侍詣閣外

跪傳告典言典言入詣 靈座前北向跪奏云使者臣某等奉制謹奉

上金册金寶奏訖俯伏興還侍位尙宮尙服俱詣册寶案前西向跪尙

宮取册函尙服取寶盃由中階陞典言尙記等各舉案從之詣香案前

跪先置案次置册寶於案少退北向跪東上尙宮開册函讀訖以册還

置於函舉册函少退跪典言進跪舉册案跪寘於 靈座前稍東俯伏

興尙宮以册函跪寘於案俯伏興俱還侍位次尙服進跪開盃讀寶訖

以寶還寘於盃舉寶盃少退跪尙記進跪舉寶案跪寘於册案之南俯

伏興尙服以寶盃跪置於案俯伏興俱還侍位奉侍以節出授使者贊

儀唱俯伏興四拜興平身使者俯伏興四拜興平身主事引使者復命
 如常○册 皇太子儀 前一日主殿司設 御座於太極殿北壁南
 向設寶案於座前近東香案二於殿外左右設 王太子拜位於殿階
 上北向設册寶案各一於寶案之南册東寶西協律郎展宮懸於殿庭
 庭東西設外位如常鼓初嚴侍從院陳鹵簿儀仗於正階及殿庭東西
 太僕司官進輿於閣外陳輿輦於殿庭中途御馬於中途左右仗馬於
 其南宗親文武百官各服朝服四品以上朝服五品以下黑團領 鼓二嚴皆就外位掌
 禮院官捧册函寶盃各宣於案諸護衛之官各服其服俱詣閣外伺候
 左掌禮詣閣外跪奏中嚴 皇帝具冕服御內殿繳扇侍衛如常儀近

侍及執事官先行四拜禮如常協律郎入就位鼓三嚴執事官先就位
 主事引宗親文武百官入就位鼓聲止關內外門左掌禮跪奏外辦
 皇帝乘輿以出繳扇侍衛如常儀 王太子具冕服乘輿隨後以出左
 右掌禮前導至降輿所左掌禮跪奏請降輿 皇帝降輿左掌禮跪奏
 請執圭近侍跪進圭 皇帝執圭陞座爐烟升捧寶置於案繳扇侍衛
 如常儀近侍分入殿內俯伏 王太子至降輿所降輿入詣拜位北向
 立贊儀唱鞠躬四拜興平身 王太子鞠躬四拜興平身宗親文武百
 官鞠躬四拜興平身承制官秘書丞進當座前俯伏跪奏宣制由中門出
 立于門外稱有制贊儀唱跪 王太子跪宗親文武百官跪承制官宣
 制曰册王太子某為皇太子宣訖承制官還侍位贊儀唱俯伏興四拜



興平身 王太子俯伏興四拜興平身宗親文武百官俯伏興四拜興平身主事引議政入詣殿內 御座東南南向又引捧冊寶官讀冊寶官入詣殿內讀冊寶官立於議政之北北向捧冊寶官立於讀冊寶官之南南向相禮導 王太子由東門入詣 御座前北向立贊儀唱跪王太子跪宗親文武百官跪捧冊官進冊案前跪開冊函讀冊官進跪讀冊訖以冊還置於函捧冊官以冊函授議政議政受函跪進于 王太子前奉侍進前東向跪受捧冊函興捧寶官進寶案前跪開寶盃讀寶官進跪讀寶訖以寶還寘於盃捧寶官以寶盃授議政議政受函跪進于 王太子前奉侍進前東向跪受捧寶盃興贊儀唱俯伏興平身皇太子俯伏興平身宗親文武百官俯伏興平身掌禮導 皇太子出

殿門外復位主事引議政以下降復位奉侍以冊寶置於腰彩鞞降階立于東階下贊儀唱鞠躬四拜興平身 皇太子鞠躬四拜興平身宗親文武百官鞠躬四拜興平身掌禮導 皇太子至乘輿所乘輿冊寶腰彩鞞前行掌禮前導還內左掌禮跪奏禮畢贊儀亦唱 皇帝降座左掌禮跪奏請釋圭 皇帝釋圭近侍跪受圭左掌禮跪奏請乘輿 皇帝乘輿繖扇侍衛如常儀左右掌禮前導還內主事引宗親文武百官出左掌禮跪奏解嚴奉 旨放仗○冊 皇太子妃儀 前一日主殿司設御座於太極殿北壁南向設寶案於座前近東香案二於殿外左右設冊寶案各一於寶案之南冊東寶西設奉節官位於冊寶案之東掌節者位於奉節官之左俱西向協律郎展宮懸於殿庭陳而不作設協律郎位

於西階上其日主事掌禮院職設宗親文武百官及使者以下內外位

執事官位并如常鼓初嚴侍從院陳鹵簿儀仗陳輿輦及仗馬陳彩輦

鼓吹細仗并如常宗親文武百官及使者以下各服其服四品以上朝服五品以下

黑團領 鼓二嚴皆就外位掌禮院官捧册函寶盃各置於案諸護衛之官

各服其服俱詣閣外伺候左掌禮詣閣外跪奏中嚴 皇帝具通天冠

絳紗袍御內殿繖扇侍衛如常儀近侍及執事官先行四拜禮如常協

律郎入就位鼓三嚴執事官先就位主事引宗親文武百官入就位鼓

聲止闕內外門左掌禮跪奏外辦 皇帝乘輿以出繖扇侍衛如常儀

左右掌禮前導至降輿所左掌禮跪奏請降輿 皇帝降輿左掌禮跪

奉請執圭近侍跪進圭 皇帝執圭陞座爐烟升捧寶置於案繖扇侍

衛如常儀近侍分入殿內俯伏贊儀唱鞠躬四拜興平身宗親文武百

官鞠躬四拜興平身主事引回班相向立主事引使者以下入就位贊

儀唱鞠躬四拜興平身使者以下鞠躬四拜興平身承制官秘書院丞進當

座前俯伏跪奏宣制由中門出執事者對舉册寶案從之承制官降自

中階詣使者東北西向立執事者舉案降自中階立於承制官之南少

退俱西向承制官稱有制贊儀唱跪使者以下跪承制官宣制曰册王

太子妃某氏為皇太子妃命卿等持節展禮宣訖贊儀唱俯伏興四拜

興平身使者以下俯伏興四拜興平身奉節官秘書院丞率掌節者進使者

前掌節者脫節衣以節授奉節官奉節官受之以授正使正使進北向

跪受以授掌節者掌節者跪受興立于正使之左執事者各以册函寶

丞進承制官前承制官取册函授正使正使進北向跪受舉案者對舉
 進正使之左跪正使置册函於案舉案者對舉退立於使者之後承制
 官取寶盃授正使並如授册函之儀訖還侍位贊儀唱俯伏興四拜興
 平身使者以下俯伏興四拜興平身主事引使者由東門出掌節者由
 西門出加節衣前導舉册寶案者次之使者以册函寶盃各置于腰彩
 輦細仗鼓吹前導陳而不作次掌節者次册輦次寶輦次儀仗次使者以下
 隨詣 皇太子妃閣外主事引宗親文武百官俱復拜位贊儀唱鞠躬
 四拜興平身宗親文武百官鞠躬四拜興平身左掌禮進當座前跪奏
 禮畢 皇帝降座左掌禮跪奏請釋圭 皇帝釋圭近侍跪受圭左掌
 禮跪奏請乘輿 皇帝乘輿還內繖扇侍衛如來儀主事引宗親文武

百官出左掌禮跪奏解嚴奉 旨放仗使者以下隨詣 皇太子妃閣
 外行禮如儀訖持節復命如常

四年七月 詔曰朕既受天命登大位矣且封建群胤鞏固皇室厥
 有彝典萬世攸同皇二子義和君皇三子封王儀節令掌禮院博攷典
 禮擇日舉行○封 皇二子壩為義王 皇三子垠為英王○儀注

前一日主殿司設 御座於中和殿北壁南向設寶案於座前香案二
 於殿外左右設 皇太子侍座於 御座東南南向設詔書案於寶案
 之南設册印案各一於詔書案之南冊東印西奉節官秘書院丞位於册印案之
 東掌節者掌禮院兼掌禮位於奉節官之左俱西向教坊司展軒懸於殿庭設
 協律郎舉麾位於西階上其日主事掌禮院臚唱課下同設宗親文武百官及使

者以下執事官位於殿庭東西重行北向宣詔官展詔官位於東階下
近東西向設外位如常設詔書開讀位於殿階上近東西向鼓初嚴侍
從院陳鹵簿儀仗於正階及殿庭東西太僕司官進輿於閣外陳輿輦
於殿庭中途御馬於中途左右仗馬於其南宗親文武百官及使者以
下各服朝服四品以上朝服五品以下黑團領鼓二嚴皆就外位掌禮院官捧册函印
盃各置於案諸護衛之官各服其服俱詣閣外伺候左掌禮詣閣外跪
奏中嚴 皇帝具冕服御內殿繖扇侍衛如常儀近侍及執事官先行
四拜禮如常 皇太子具冕服座內堂宮官先行四拜禮如常典樂率
工人入就位協律郎入就位鼓三嚴執事官先就位主事引宗親文武
百官入就位鼓聲止闕內外門左掌禮跪奏外辦 皇帝乘輿以仗出

動鼓吹振作繖扇侍衛如常儀 皇太子乘輿隨後以出左右掌禮導
皇帝將入殿門協律郎跪俯伏舉麾興樂作鼓吹止左掌禮跪奏請降
輿 皇帝降輿左掌禮跪奏請執圭近侍跪進圭 皇帝執圭陞座爐
烟升捧寶置於案繖扇侍衛如常儀諸護衛之官入列於 御座之後
及殿內東西近侍分入殿內東西俯伏 皇太子至降輿所降輿陞就
侍座協律郎跪偃麾俯伏興樂止典儀曰四拜贊儀唱鞠躬四拜興平
身宗親文武百官及使者以下鞠躬樂作四拜興平身樂止承制官秘書丞進
當座前跪奏宣制由正門出執事者對舉册印案從之承制官降自中
階詣使者東北西向立執事者舉案降自中階立於承制官之南少退
俱西向承制官稱有制贊儀唱跪使者以下及宗親文武百官跪承制

官宣制曰封皇子某為某王命卿等持節行禮宣訖贊儀唱俯伏興四拜興平身使者以下及宗親文武百官俯伏興樂四拜興平身樂奉節官帥掌節者詣使者前掌節者脫節衣以節授奉節官奉節官受以授正使正使進北向跪受以授掌節者掌節者跪受興立于正使之左執事者各以册函印盃詣承制官前承制官取册函授正使正使進北向跪受舉案者對舉進正使之左跪正使置册函於案舉案者對舉退立於使者之後承制官取印盃授副使副使進北向跪受舉案者對舉進副使之左跪副使置印盃於案舉案者對舉退立於使者之後承制官還侍位主事引使者由東門出掌節者由正門出加節衣前導舉册印案者次之使者以册函印盃各置于腰彩鞞鼓吹前導次掌節者次册

鞞次印鞞次儀仗次使者以下隨詣西宮承制官進當座前俯伏跪奏宣制俯伏興由東門出詣宣詔官之北展詔官二人對舉詔書案隨之承制官取詔書授宣詔官宣詔官跪受以授展詔官展詔官跪受立對展承制官臨階西向立稱有制贊儀唱跪宗親文武百官跪承制官還侍位宣詔官宣訖俯伏興還復位展詔官以詔書還置於案俯伏興退贊儀唱俯伏興四拜興平身宗親文武百官俯伏興樂四拜興平身樂左掌禮進當座前跪奏禮畢贊儀亦唱協律郎跪俯伏舉麾樂皇太子降座立 皇帝降座左掌禮跪奏請釋圭 皇帝釋圭近侍跪受圭左掌禮跪奏請乘輿 皇帝乘輿繖扇侍衛如來儀 皇太子乘輿隨後以出左右掌禮導 皇帝將出殿門鼓吹振作協律郎跪偃麾俯伏興樂左

右掌禮前導還內 皇太子隨後還內鼓吹止主事引宗親文武百官
 出左掌禮跪奏解嚴奉 旨放仗使者以下隨詣西宮行禮如儀訖持
 節復命如常○用金册金印○英王受册印後受群臣賀儀 主殿司
 設英王座於西宮東壁西向設印案於座前近南教坊司陳鼓樂於前
 庭近南主事掌禮院 唱課下同設宗親文武百官位於宮庭異位重行北向設
 外位如常代致詞官位於東階下近東西向設致詞案於階上議政府
 官捧致詞函入置於案時至王府官各服其服侍從院陳儀仗太僕司
 陳轎馬並如常宗親文武百官各服朝服四品以上朝服 五品以下黑團領俱就外位
 王府官贊請出次英王具雙童髻空頂幘絳紗袍以出樂作卽座樂止王府
 官重行北向再拜訖各就位主事引宗親文武百官入就位贊儀唱鞠

躬再拜興平身宗親文武百官鞠躬樂作再拜興平身樂止主事引時原任

大臣由西階陞入堂內就位代致詞官陞自西階進當座前俯伏跪贊

儀唱跪宗親文武百官跪代致詞官致詞云具官某等茲遇英王邸下

榮膺册印封建禮成無任欣忭之至賀訖俯伏興降復位贊儀唱俯伏

興平身宗親文武百官俯伏興平身主事引時原任大臣降復位贊儀

唱鞠躬再拜興平身宗親文武百官鞠躬樂作再拜興平身樂止贊儀唱禮

畢英王降座樂止還內主事引宗親文武百官出次王府官以下出

續七年十一月册淳妃嚴氏爲皇貴妃○儀注 前一日主殿司設

御座於中和殿北壁南向設寶案於座前近東香案二於殿外左右設

册寶案各一於寶案之南册東寶西設奉節官位於册寶案之東掌節

者之位於奉節官之左俱西向協律郎展宮懸於殿庭設協律郎位於西階上其日主事

掌禮院臚唱課下同

設宗親文武百官及使者以下內外位執

事官位并如常鼓初嚴侍從院陳鹵簿儀仗陳輿輦及仗馬陳彩輦鼓

吹細仗并如常宗親文武百官及使者以下各服其服

四品以上朝服五品以下黑團

領鼓二嚴皆就外位掌禮院官捧册函寶盃各置於案諸護衛之官各

服其服俱詣閣外伺候左掌禮詣閣外跪奏中嚴 皇帝具通天冠絳

紗袍 御內殿繖扇侍衛如常儀近侍及執事官先行四拜禮如常協

律郎入就位鼓三嚴執事官先就位主事引宗親文武百官入就位鼓

聲止闕內外門左掌禮跪奏外辦 皇帝乘輿以出繖扇侍衛如常儀

左右掌禮前導至降輿所左掌禮跪奏請降輿 皇帝降輿左掌禮跪

奏請執圭近侍跪進圭 皇帝執圭陞座爐烟升捧寶置於案繖扇侍

衛如常儀近侍分入殿內俯伏贊儀唱鞠躬四拜興平身宗親文武百

官鞠躬四拜興平身主事引回班相向立主事引使者以下鞠躬四拜

興平身承制官

秘書院丞

進當座前俯伏跪奏宣制由中門出執事者對舉

册寶案從之承制官降自中階詣使者東北西向立執事者舉案降自

中階立於承制官之南少退俱西向承制官稱有制贊儀唱跪使者以

下跪承制官宣制曰册淳妃嚴氏為皇貴妃命卿等持節展禮宣訖贊

儀唱俯伏興四拜興平身使者以下俯伏興四拜興平身奉節官

秘書院丞

率掌節者進使者前掌節者脫節衣以節授奉節官奉節官受之以授

正使正使進北向跪受以授掌節者掌節者跪受興立于正使之左執

事者各以冊函寶盃進承制官前承制官取冊函授正使正使進北向
跪受舉案者對舉進正使之左跪正使置冊函於案舉案者對舉退立
於使者之後承制官取寶盃授正使并如授冊函之儀訖還侍位贊儀
唱俯伏興四拜興平身使者以下俯伏興四拜興平身主事引使者由
東門出掌節者由西門出加節衣前導舉冊寶案者次之使者以冊函
寶盃各置于腰彩鞞細仗鼓吹前導次掌節者次冊鞞次寶鞞次儀仗
次使者以下隨詣 皇貴妃閣外主事引宗親文武百官俱復拜位贊
儀唱鞠躬四拜興平身宗親文武百官鞠躬四拜興平身左掌禮進當
座前跪奏禮畢 皇帝降座左掌禮跪奏請釋圭 皇帝釋圭近侍跪
受圭左掌禮跪奏請乘輿 皇帝乘輿還內繖扇侍衛如來儀主事引

宗親文武百官出掌禮跪奏解嚴奉 旨放仗使者以下隨詣 皇貴
妃閣外行禮如儀訖持節復命如常

增補文獻備考卷之七十四

增補文獻備考卷之七十五

禮考 二十二

賀禮

新羅眞德主五年御朝元殿受百官正賀賀正之禮始此

高麗太祖十九年王御威鳳樓受文武官及百姓朝賀定三韓也

補文宗十年十一月以初雪百官表賀

宣宗十年制我國舊制生辰元正冬至百官賀禮惟宰相入直者一人
押班其餘並不就班近聞宋制凡放賀日其禮與坐殿日不殊自今一

依宋朝儀式

詳見
刑考

補睿宗即位以大赦獄囚皆放宰相以獄空表賀

補八年群臣奏曰本朝自祖宗以來太后昇遐隣國未嘗遣使吊祭今

始見是禮又前夕雨雪暴作及行禮日色清明禮儀克整人心咸悅宜

令百僚朝賀許之

補三月以日當食密雲不見詳見象緯考侍中金景庸率百官表賀

補九年八月王視學宰相率百官表賀詳見學校考

補十一年得寶玉於西京群臣表賀

補十二年取來遠抱州二城為關防百官表賀

補十六年太子加元服百官表賀詳見冠禮

補仁宗七年二月太華闕成王御乾龍殿受賀○十二年十月幸白州

新闕受賀並詳見宮室考

補毅宗二十二年王以夢中所製詩示群臣臣僚稱賀詳見藝文考

補二十三年金遣使賜羊二千有一羊四角樞密使李公升以為瑞獸表賀時人嘲之謂之四角承宣

二十四年正月王受賀于大觀殿

王親製臣僚賀表略曰體一元而敷惠歛諸福以大和是大人道長之初乃陽德氣萌之始生民以來今日無對六樂九奏雖未比晏子之遊萬歲三呼胡不祝漢皇之壽宣示百官表賀

補二月以老人星見親醮于內殿又遣太子及諸大臣分醮諸寺院百官表賀○四月百官賀壽星見忠州副使崔光勾詳代奏前月二十八日

祭老人星于竹杖寺其夕壽星見至三獻乃沒王大喜百官稱賀
八月水州民耕田得金一錠長二寸許頭尾雙尖狀如龜知州事吳
錄之取以獻左右呼萬歲曰天降金龜聖德之應群臣皆賀

毅宗時詳定元正冬至節日大觀殿朝賀儀 殿內外陳儀衛王服赭
黃袍出樂作群臣再拜舞蹈奏聖躬萬福班首進步致辭再拜舞蹈戶
部尚書持進奉物狀跪上諸道表賀員就庭中跪閣門接表傳宣賜酒
食再拜舞蹈王降座入樂作王若不坐殿攝侍中上殿奏訖降向殿西
向稱奉宣放朝賀元正中郎將以下序立毬庭奏山呼○元會儀 王
將出樂作王坐殿近仗軍衛樂官入肅拜奏山呼太子令公宰臣就庭
合班立太子以下拜舞奏聖體萬福太子進步致辭稱賀太子升殿跪

奏稱元正首祚不勝大慶謹上千萬歲壽酒太子令公奏山呼太子酌
壽酒奉盞王執爵樂作閣使傳宣許赴座兼賜酒食諸道持表員跪呈
表行頭致辭太子以下致辭謝恩王入樂作○王太子元正冬至麗正
殿受賀班首致辭云元正首祚景福惟新伏惟王太子殿下與時同休

冬至則云天
正長至下同

王太子宣令云元正首祚與公等均慶節日受宮官賀行

頭跪稱幸當某節臣等不勝大慶謹上千萬歲壽酒宣令稱敬舉公等
之觴○人日賀賜人勝祿牌立春賀受春幡子新雪賀

小雪後大雪
前有雪則賀進

表宥旨賀讀制親祀園丘太廟禘祫時享祭先農耕籍後齋宮受賀
高宗四十五年誅崔誼御康安殿受百官賀如新卽位禮畢出朴松
庇金仁俊又率諸功臣左右別抄神義軍都房等入殿庭羅拜呼萬歲

元宗十年王復位蒙古使請觀百官賀王服紫袍出庭向北遙謝更着黃衣受賀于康安殿

補十一年五月王還自蒙古復都舊京群臣表賀

補元宗薨世子至自元謁殯殿服黃袍卽位受朝賀仍宴詔使

補忠烈王二年正月朔受賀始用幣命賜內帑銀紵支其費歲以為常

補二十四年王率百官賀太上王誕日于德慈宮

二十五年行省官僚及百官肆賀正儀於奉恩寺三日肆儀始此

補王薨忠宣王自元奔喪嗣位于壽寧宮受群臣朝賀班序尚右禮未

畢天大雷電雨雹

恭愍王六年正月朔百官備禮服欲陳賀命停賀宴宗室公侯宰樞及

耆老侍臣皆以戎服入侍

本朝 太祖元年 上親享 宗廟還大次受中外賀

補定宗元年正月朔壬申 上朝 太上王還御正殿受朝賀宴群臣

平壤府尹成石璘進歌器圖京畿左道觀察使李廷輔進歷年圖右道

觀察使崔有慶進無逸圖 上皆嘉納

太宗五年 上還漢京行賀禮父老獻歌謠於道左世子率百官行賀

禮議政府獻壽親勳政府六曹咸與焉

議政府贊成事權近撰進華嶽詩左政丞河崙撰進漢江詩 上與

諸臣聯句唱和御製有在位何忘履薄心之句

補十五年甘露降于咸興德山洞政府進箋賀不受 教曰建文之末

騶虞出今皇帝率百萬之衆深入不毛而麟乃見雨暘時若百穀咸登是爲瑞也今當夏月早暵之時雖降甘露何足爲祥詳見物異考

補世宗十年白雉見禮曹請賀不許詳見物異考

補十五年崔潤德等討平婆豬江野人群臣庭賀

十六年甘露降于後苑大臣俱請賀不許并詳見物異考

補十九年京畿道進麥穗四歧奉箋陳賀不受仍遍諭諸道勿賀詳見物異考

考

補二十七年慶尙道進白鵠大臣進賀 上不受曰予聞此言甚愧卿

等勿復言詳見物異考

補文宗元年咸吉道進甘露又有獻白鵠白雉并却之不受賀詳見物異考

補端宗二年黃致身朝明回明帝賜宋史 上受百官賀詳見藝文考

補世祖乙亥 上親享 宗廟告卽位還御殿受賀除山棚歌謠設飲

福宴于慶會樓時久旱而雨 上喜甚命申叔舟以創業守成之難易

爲文以進在坐者及集賢殿館閣儒臣皆令製詩復賜堂上官以下諸

執事飲福宴于禮曹

補七年正月親祀園丘還御勤政殿受百官賀 九月百官進箋賀白

鹿 上不受

補九年 上與中宮至自溫泉受賀大赦

十年八月 上與中宮至自溫泉受百官賀召隨駕宗宰設酌

補睿宗元年苑中有白鳥之瑞諸臣請賀不許

五禮儀 正至誕日世子百官朝賀樂作四拜致詞云世子臣某茲遇

三陽開泰萬物咸新冬至云律應黃鍾月當長至 恭惟殿下至仁體元茂膺景福

四拜誕日云茲遇殿下誕降之辰敬祝千千歲壽宣教曰履新之慶冬至

云履長之慶 與世子同之 世子四拜誕日無宣教 百官班首致詞 具官臣某

等詞同世子 百官四拜宣教上同但云與卿等同之三叩頭三山呼 百

官拱手加額曰千歲唱山呼曰千歲唱再山呼曰千千歲四拜宣箋取

最高官箋宣之進中外禮物禮畢仍行會世子百官儀樂作四拜進饌

案進花進膳進爵世子致詞三元首祚冬至云天正長至 不勝大慶謹上千千

歲壽班首進爵致詞詞同世子 宣教曰敬舉卿等之觴 王世子以下四拜

世子位供饌花百官位設饌散花進湯進爵酒行九徧進大膳世子位

供膳百官位設膳 正至誕日世子嬪朝賀設御座於內殿四拜致詞

王世子嬪妾某氏詞同世子 宣教上同但云與嬪同之 中宮正至誕日

命婦朝賀內命婦樂作四拜致詞云 嬪妾某氏等茲遇履新冬至云履長

之節敬惟與時同休誕日云茲遇誕辰敬祝千千歲壽宣旨與上宣教

同但云與嬪等同之誕日無宣旨 公主等致詞 妾某公主等詞同上 宣旨上

同但云與公主等同之禮畢行會命婦儀世子嬪內外命婦樂作四拜

進饌案進花進膳內命婦班首進蓋致詞詞同大殿正至會 宣旨曰與嬪等同

慶世子嬪進蓋致詞詞同上 供饌散花進蓋進湯酒行九徧進大膳供膳

設膳並同大殿正至會儀 中宮正至誕日世子朝賀四拜無樂致詞同

命婦賀 宣旨曰與世子同之 中宮正至誕日世子嬪朝賀四拜致詞詞同

命婦 宣旨曰與嬪同之○中宮正至誕日百官朝賀四拜無樂致詞詞同命婦

賀 濟用監正捧禮物函議政受以授司謁捧進宣旨曰與卿等同之日

無宣旨 ○正至生辰百官賀世子二品以上陞堂再拜頓首世子答再拜

班首致詞云茲遇三陽開泰萬物咸新冬至云律應黃鍾日當長至 敬惟與時同休

生辰云茲遇生辰敬祝千千歲壽世子跪宣今日履新冬至云履長 之節同

臻嘉慶生辰無宣令 朔望朝賀世子與百官樂作四拜致詞云茲遇孟春

十五良辰朔日云首日良辰他月同 恭惟茂膺時祉百官班首致詞詞同世子 ○使臣及

外官正至誕日設殿牌香卓儀仗使臣東庭外官西庭樂作四拜上香

叩頭山呼○朔望遙賀如上儀不叩頭山呼○使臣外官拜賀箋設箋

案四拜上香班首奉箋授進箋官復置案四拜進箋官奉箋出衆官回

班鞠躬至門箋置龍亭儀仗鼓樂前導衆官送至遠亭○文武科放榜

文科放榜官唱第一名由東入武科放榜官唱第一名由西入以次相

間唱訖舉人四拜承旨各取紅牌函授吏兵曹正郎分賜次賜花及酒

次賜蓋只賜甲科 舉人四拜百官致詞陳賀

成宗六年行陳賀禮以親耕籍田也詳見先農

八年中宮殿御宣政殿受內外命婦賀百官於延英門陳賀以親蠶

禮成也詳見先農

九年大妃誕日自上率百官賀

中宗八年百官陳賀于中宮殿以親蠶禮成也詳見先蠶

十二年王妃御宣政殿受內外命婦賀于仁政殿庭親迎翌日也

仁宗嗣位初江原都事金就文上疏追論嗣位受賀之失曰蓋當嗣位之際釋衰服冕為宗社生民之重不可以私恩廢也百官班賀雖臣子之所不得已而非關於繼世承統作神人之主則殿下在諒闇之初不宜下受慶典降旨退抑有何不可優批嘉獎悔咎

宣祖二年行明宗大王禫祭舊例禫後陳賀校理李珣曰自上喪制甫畢遽即受賀揆以情禮實為未安百官哭泣之餘旋即陳賀是歌哭同時也上筭請行慰禮而停賀上問于大臣遂停賀

補五年親耕籍田受群臣賀

詳見先農

六年上疾瘳禮曹累請賀上曰人之疾殆未必不由於失攝頃者不意得病危而復蘇貽憂大臣驚動群下方且祇懼悔罪之不暇豈可

偃然受賀乎

補十二年禮官於仁聖王后禫祭日定為受賀之儀兩司爭之上以有舊例不允

補二十一年以宗系伸雪會典頒降受百官賀

二十六年官軍收復京城群臣請陳賀上曰此可慰而不可賀也但當率臣民行望闕禮以謝皇恩而已仍令耆老人民一時行禮與知感激皇恩之義

三十五年

原本作三十六年今釐改

王妃御正殿受賀親迎翌日也

詳見婚禮

補三十八年扈聖宣武兩勳策勳後受百官賀

補玉候違豫三年乃瘳始開經筵受百官賀

補三十九年以卽位四十年受百官賀

詳見禮

補仁祖二年适變平傳首行在告廟獻馘禮官議陳賀右議政申欽曰逆臣犯闕乘輿蒙塵此足爲羞詎可賀耶

仁祖八年還 穆陵梓宮啓櫬與賀至相值禮官請哭訖行賀鄭經世以爲一日之內哀樂並行未安請停賀從之

補二十七年 上御仁政殿册元孫爲王世孫受百官賀除諸道方物禮曹請依大明會典皇太孫冠禮後百官賀禮之文百官詣時敏堂行賀禮於王世孫 上命權停

補孝宗己丑掌令宋時烈疏日程朱極言二年內受賀之非岳牧之臣進箋未安望節日賀儀停免

二年金自點伏誅舊例大逆誅行賀禮 上以爲元勳反逆可愧無可賀遂不受賀

舊例國恤三年畢祔 太廟後陳賀仍行飲福宴命只行賀禮停飲福宴後仍爲例

補臣謹按 寧陵行狀云 仁祖祔廟後命停賀禮群臣援古力爭 上終不許而此云只行賀禮未知何据

補五年五月以久雨停誕日賀

補九年 上疾瘳禮官大臣屢請陳賀王以有樂正子數月憂色終不許

補顯宗二年 孝廟祔 太廟後停賀不受

副校理李敏敘疏曰三年躋祔之後尊崇冊命禮之大節也當不踰月說者以慈聖禫月受賀未安內殿私葺不遠可以叅情差退云古者禫在祥月之中今既中月而禫矣復以行禫之月不受賀慶則情雖難抑禮何過也至於私喪之戚不得伸於公禮事無大小漸不可不慎此亦公私互勝情禮相奪之端願亟令進定

補肅宗四年禮曹以上候平復請依祖宗朝故事告廟陳賀答曰因予疾之彌留貽憂於慈聖心深悚惶曷有其極告廟受賀尤為未安勿為舉行

補九年上患痘候平復受百官賀

補二十四年端宗復位百官陳賀

補三十一年以卽位三十年王世子率百官陳賀


四十六年以 上壽恰滿六旬告 宗廟世子率百官陳賀

英祖四年命誕日陳賀軒架陳而不作

補十五年親耕籍田後百官陳賀

十九年上親行元朝陳賀禮于大妃殿舊例元朝賀只令百官行之是時上奉 惠順慈敬大妃躬率百官行于仁政殿階上先是

上命館閣之臣議于大臣撰進致詞及慈殿答教至是上親傳致詞及表裏以授近侍龍亭鼓吹導詣東朝閣外以進大妃傳宣答教既罷仍御仁政殿受百官賀翌年甲子大妃誕日親行陳賀亦如之



二十年 上從宗臣卿宰之請遵 太祖肅宗故事入耆社王世子

率百官陳賀 詳見職官考

二十三年 大妃殿周甲 上行陳賀禮 上率百官親進箋文致詞

表裏行禮于仁政殿階上百官又陳賀于 大妃殿

二十七年 上以 大妃母臨五十年率百官進箋以賀 上壽

二十九年停元朝賀禮先是大臣禮官以 上壽六旬累請賀 上終

不許 教曰聖人有終身之慕卿等亦可諒予矣

三十年停回甲誕日賀 詳見節日

三十一年 上以上元日率百官進賀于 大王大妃以 大王大

妃寶齡七旬也 詳見節日

三十二年 上耆社臣及宗親文武卿宰年六十以上進賀于

東朝以寶齡恰滿七旬也

三十五年六月朔御正殿受群臣賀以 上封爵之周甲也

三十八年 教曰禮云三日不舉樂思嗣親也婚禮不賀人之序也我

朝婚禮雖賀軒懸陳而不作既載禮文此亦三日不舉樂之義而獨於

賀猶存此予所以一欲釐正者也此後大婚賀勿為舉行

三十九年 上御景福宮勤政殿舊基受百官耆民賀先是大臣諸臣

以 聖壽七旬請賀 上久不許至是 教曰否德無能徒位徒壽敢

踐 兩朝舊事是誰之賜 陟降攸賜坐瓶業之舊基使百官耆老之

民賀於光化門內此非予受也此三百年後復賀陟降也

四十三年三月王世孫率百官陳賀于勤政殿又行中宮殿陳賀禮于勤政殿內庭以親耕親蠶禮成也五月又以初行藏種受繭禮陳賀于兩殿并詳見先

補四十一年以聖壽望八王世孫手疏請賀上手批不許世孫憫鬱廢膳者凡四時上憂念不得已勉從遂以上元日受賀

補四十九年正月上御崇政殿王世孫率百官賀以聖壽八十卽位五十年也上感先朝癸巳正月初十日受賀故事以是日受之

○十月初四日以宣廟自龍灣還御慶運宮之年月日上率王世孫駕幸是宮受百官賀詳見○十一月冬至王世孫以聖上五紀太

平望九亞歲手疏請陳賀上答曰句句誠心字字悃幅心非木石豈

不感動遂御資政殿受百官賀

補五十年二月上御集慶堂王世孫率百官進箋賀以聖壽望九

患候平復也○九月上御崇政殿王世孫率百官陳賀初王世孫上疏以寶齡之望九旬盛事之回舊甲勿藥之有喜慶光御之滿五紀舟

梁之十六年請於誕彌之辰陳賀以疏函授春坊官呈于政院仍下階俟批上召見春坊官聞其由笑曰心雖金石豈不感動仍命告由陳

賀正祖二年五月王大妃貞純加上尊號惠慶宮獻敬上尊號陳

賀七年三月王大妃貞純加上尊號莊獻世子莊祖追上尊號陳

賀

續八年九月 英祖 貞聖王后追上尊號 王大妃貞純王后加上尊號

莊獻世子莊祖皇帝追上尊號 惠慶宮獻敬皇后加上尊號陳賀

續十八年正月以 王大妃貞純王后寶齡五旬 惠慶宮寶齡六旬陳賀

是日 上親受內閣賀箋元子純祖皇帝侍焉山呼者五閣臣仰問元子

答曰四呼千歲為四 殿祝也其後余亦千歲諸臣齊聲稱賀

續是年命冬至正朝陳賀依五禮儀改稱朝賀

禮曹判書閔鍾顯啓陳賀朝賀五禮儀所在體段各自不同近來啓下文字皆稱以陳賀此後冬至正朝則一從五禮儀入啓節目以朝賀書之從之

續十九年正月 惠慶宮周甲稱慶親上致詞箋文表裏受賀

續純祖二年十一月 疹候平復 坤殿疹候平復陳賀

續四年正月 王大妃貞純王后撤簾 上親政陳賀

前年十二月左相徐龍輔進曰 聖上春秋鼎盛親摠庶政養隆長樂 慈德彌光此實宗社莫大之慶模金刻玉揄揚 慈徽之道臣等續當仰請而上告下布擇日舉行從之

續十二月仁政殿重建受群臣賀

續五年以 王大妃貞純王后寶齡周甲 惠慶宮寶齡望八親上致詞

箋文表裏仍受賀

續是年春加上 貞純王后尊號隆仁

前年冬議定尊號未及上之 后昇遐至是陳冊寶于 殯殿仍行 頒教

續閏六月 聖痘平復行賀禮權停例

續九年八月元子文祖皇帝誕降第七日 御法殿親上致詞箋文表裏于

王大妃孝懿皇后 惠慶宮嘉順宮綏妃朴氏 仍受賀嘉順宮上箋始此命中外凡

諸舉行一依 惠慶宮所行之禮

續十一月 親上致詞于 王大妃孝懿皇后 惠慶宮嘉順宮陳賀

續十二年正月 王大妃孝懿皇后 寶齡六旬受賀

續四月以 上候平復行賀禮是月又行陳賀以討平西賊洪景來禹 君則等也

續十二月王世子文祖皇帝 疹候平復陳賀

續十三年正月 王大妃孝懿皇后 寶齡周甲陳賀

續十二月 王大妃孝懿皇后 周甲誕辰陳賀自內進饌

致詞曰是年是月十八日 王大妃殿下壽為五福之先籌添六旬 有一節屈流虹誠切愛日謹上千千歲壽

續十四年正月 親上 惠慶宮八旬稱慶箋文仍受賀

續十五年正月 惠慶宮寶齡望九陳賀是月 上候平復告 廟陳 賀

續十七年三月世子入學後受賀頒赦

續二十二年王世子疹候平復陳賀于仁政殿

續二十七年二月 王世子代理後行賀禮

續七月元孫宗 惠誕降第七日陳賀

續九月上尊號 中宮殿上尊號陳賀翌日受進爵禮

續十一月南至日王世子進致詞箋文表裏

續二十八年正月 坤殿寶齡四旬王世子疏請飾慶陳賀

續二十九年正月 御極三十年 聖壽四旬稱慶陳賀五月 中宮

殿誕辰王世子進致詞箋文表裏仍受賀六月誕日王世子進致詞箋

文表裏仍陳賀 百官班東班無時任議政西班班首原任議政進致詞箋文表裏

續憲宗四年正月 大王大妃純 元 皇 后寶齡五旬稱慶陳賀

續七年二月 大王大妃純 元 皇 后撤簾 上親政陳賀

續三月 大王大妃純 元 皇 后母臨四十年稱慶陳賀

續九年十月 聖痘平復行賀禮權停例

續十三年正月 王大妃神 貞 皇 后寶齡四旬稱慶陳賀

續十四年正月 大王大妃純 元 皇 后寶齡六旬 王大妃神 貞 皇 后寶齡望五

稱慶陳賀

續三月 純祖追上尊號 大王大妃純 元 皇 后加上尊號 文祖追上尊

號 王大妃神 貞 皇 后加上尊號陳賀

續十月三朝寶鑑 親上 太廟稱慶陳賀

續十五年正月 大王大妃純 元 皇 后寶齡周甲親上致詞箋文表裏仍受

賀

續哲宗二年正月 大王大妃純元皇后 母臨五十年稱慶陳賀

續三年八月 大王大妃純元皇后 王大妃神貞皇后 加上尊號 大妃孝定王后 上

尊號陳賀

續四年正月 大王大妃純元皇后 撤簾 上親政陳賀

續五年正月 純祖追上尊號 大王大妃純元皇后 加上尊號陳賀

續十月 文祖追上尊號 王大妃神貞皇后 加上尊號 憲宗追上尊號

孝顯王后追上尊號 大妃孝定王后 加上尊號陳賀

續八年正月 大王大妃純元皇后 寶齡將躋七旬 王大妃神貞皇后 寶齡恰

滿五旬稱慶陳賀

續九年正月 大王大妃神貞皇后 寶齡望六稱慶陳賀

續十二年正月 純祖 純元皇后追上尊號陳賀以 純祖御極元

年回甲 純元皇后舟梁六十年稱慶也

續十三年正月 純祖 純元皇后追上尊號陳賀以舟梁回甲稱慶

也

續十四年六月使事順成稱慶陳賀是月 上尊號 中宮殿上尊號

陳賀

續今 上元年二月 大王大妃神貞皇后 王大妃孝定王后 加上尊號攝上權

停例陳賀前年冬議定後因恤始上

續三年二月 大王大妃神貞皇后 撤簾 上親政陳賀是月 文祖 憲

宗 哲宗追上尊號 大王大妃神貞皇后 加上尊號 孝顯王后追上尊

號 王大妃 孝定 王后 大妃 哲仁 王后 加上尊號陳賀

續大典會通 宗親奉箋稱賀別軍職在外任者亦奉箋稱賀

續四年十月景福宮重建陳賀

續五年十二月 大王大妃 神貞 皇后 寶齡周甲加上尊號陳賀

續六年正月 文祖追上尊號 大王大妃 神貞 皇后 加上尊號陳賀

續九年正月行正朝朝賀是月 太祖 太宗追上尊號陳賀

續七月 誕辰行朝賀十一月南至日行朝賀

續十年正月行正朝朝賀

續四月 大王大妃 神貞 皇后 王大妃 孝定 王后 大妃 哲仁 王后 加上尊號 中宮殿

上尊號陳賀

續十三年正月 大王大妃 神貞 皇后 將躋七旬 大妃 哲仁 王后 恰滿四旬稱

慶陳賀

續十四年正月 大王大妃 神貞 皇后 恰滿七旬 大妃 哲仁 王后 望五稱慶陳

賀

續十五年正月 大王大妃 神貞 皇后 望八稱慶陳賀

續十六年正月 大王大妃 神貞 皇后 舟梁回甲稱慶陳賀

續十二月 世子宮痘候平復陳賀

續十七年正月 王大妃 孝定 王后 五旬稱慶陳賀

續十八年正月 王大妃 孝定 王后 望六稱慶陳賀 中宮殿疹候平復後

稱慶陳賀

增補文獻備考 卷七十五

續十九年正月 大王大妃冠禮回甲稱慶陳賀

續二十年正月 大王大妃神貞皇后母臨五十年王大妃孝定王后母臨四十年稱慶陳賀

年稱慶陳賀

續二十一年十二月 聖候平復 世子宮患候平復陳賀

續二十三年正月 大王大妃神貞皇后將躋八旬稱慶陳賀

續二十四年正月 大王大妃神貞皇后恰滿八旬稱慶陳賀

續二十五年正月 大王大妃神貞皇后望九稱慶陳賀

續三月加上尊號 大王大妃神貞皇后王大妃孝定王后中宮殿加上尊號陳賀

賀

續二十七年正月 王大妃孝定王后六旬 中宮殿四旬稱慶陳賀是月

英宗稱祖追上尊號 貞聖王后 貞純王后追上尊號陳賀

續三月 肅宗 仁敬王后 仁顯王后 仁元王后追上尊號陳賀

續十一月 上候平復 中宮殿 世子宮患候平復陳賀

續十二月以 文祖昇遐之年初回 文祖 神貞王后追上尊號陳賀

賀

續二十八年正月 聖壽四旬 王大妃孝定王后周甲 中宮殿望五稱

慶陳賀

續二十九年正月 聖壽望五 御極三十年稱慶陳賀

續四月 宣祖 懿仁王后 仁穆王后追上尊號 王世子攝上陳

賀

增補文獻備考

卷七十五

禮考

十八

續三十年正月 王大妃孝定王后母臨五十年稱慶陳賀

續十月 上詣慶運宮卽祚堂展拜後仍受賀是年卽宣祖還都舊甲也

續光武元年 上卽皇帝位後御太極殿受賀

續三年十月 莊宗莊祖皇帝獻敬王后追崇 正宗正祖皇帝孝懿王后追上

尊號陳賀

續十一月 太祖配天 莊祖 正祖 純祖 文祖尊爲皇帝陳賀

續四年正月 聖壽將躋五旬 明憲太后孝定王后恰滿七旬稱慶陳賀

是月 仁祖 仁烈王后 莊烈王后 孝宗 仁宣王后追上尊號

皇帝加上尊號 明憲太后加上尊號 明成皇后追上尊號陳賀

續五年正月 聖壽五旬 明憲太后望八稱慶陳賀

續六年正月 聖壽望六 御極四十年稱慶陳賀

續三月入耆社陳賀是月 文祖 神貞皇后追上尊號 皇帝加上

尊號 明成皇后追上尊號陳賀

續七年正月 明憲太后母臨六十年陳賀

附 誕日

高麗成宗元年以生日爲千春節節日之名始此

二年改千春節爲千秋節賜群臣宴

穆宗元年以王生日爲長寧節

顯宗三年禮官請賀生辰王曰寡人夙值閔凶永違供奉每及劬勞之日益切悲感之心豈忍悲懷反受慶會今後兩京諸道陳賀一切禁止

增補文獻備考 卷七十五
之置祝壽道場

德宗元年改王生日仁壽節為應天節

靖宗元年以王生日為長齡節

文宗即位初百官詣乾德殿賀成平節宴宰樞侍臣于宣政殿成平節王生日也僧錄司奏自今遇節日設祈福道場於外帝釋院百官於所在佛寺行之以為恒式從之

補韻玉曰文宗以太子順宗生日為長興節中外皆進賀箋

宣宗元年以王生日為天元節

補肅宗元年以王生日為大元節韻玉作威寧節

六年以太子睿宗生辰為昌寧節

睿宗即位初以皇太后生日為至元節

十年禮司請以太子仁宗生日為永貞節麗史作安貞令宮官僚屬進賀兩界

三京八牧三都護府上箋以為恒式

補仁宗即位初以永貞節為慶龍節

毅宗即位初以王生日為河清節

明宗元年以王生日為乾興節

補以太子康宗生日為天禧節

神宗元年以王生日為成成節

熙宗元年改王生日壽祺節為壽成節

康宗元年以王生日為光天節

高宗元年以王生日為慶雲節

元宗二年以太子忠烈王生日為壽元節

忠烈王元年以王生日為壽元節

補十四年王以世子忠宣王生日宴群臣上將軍鄭仁卿等為侏儒戲王

亦拍手起舞

三十三年以壽元天聖節麗朝無天聖節可疑之號近僭命改稱誕日

忠宣王初百官賀王誕日以典議司闕獻書雲觀只獻梨各徵銀一斤

補恭愍王元年王以誕日設道場于內殿三日宰樞欲上壽王曰宴必

殺生其以宴錢飯僧一千于地藏寺百官為王設祝壽齋

十一年以農務方殷停諸道賀生辰補罷生辰百官獻馬

補恭讓王三年以誕辰飯僧于檜巖寺施布一千二百匹政堂文學鄭道傳諫曰誕日飯僧非先王之典出於臣子之情耳未聞人君自行祈福不聽

本朝 太宗朝 上誕日豐海道節度使柳殷之獻無逸圖簇子

世宗十六年 教曰予生日宗戚勳舊設齋祈壽是雖臣子至情揆之於禮則不可其除之

補韻玉曰 光廟於誕日停賀政府請進宴 上曰具慶者斯可矣

豈宜劬勞之日更宴樂其勿進

經國大典 大殿王妃誕日王世子百官朝賀王世子嬪朝賀王妃誕日內外命婦亦朝賀王世子生辰百官朝賀大殿誕日外官開城府留

守諸道觀察使節度使二品以上守令及府大都護府牧拜箋陳賀

賀

補成宗七年慶尚道觀察使柳輕於誕日書魏徵十漸疏為屏飾以金綃進之 上手書下諭曰卿在喉舌盡言不諱予嘉卿忠擢寄重任治務之餘留心格君之非書箴規於屏風警予心於屋漏當置座右以想卿向我之誠今賜御衣以彰卿愛君之意仍命中官賚法醞往賜謂曰屏之飾金綃未盡善也

補八年因朱溪副正深源上疏命罷誕日祝壽齋

誕日司饗院進外方各道物膳議政府六曹進京物膳禮曹進各道方物尚衣院進衣櫛表裏濟用監進王世子及朝廷所進表裏

肅宗元年 教曰昔唐太宗曰今日吾生日世俗皆以為樂在朕翻成感傷何可宴樂今予方在哀疚誕日方物物膳其除之

十年 大王大妃殿周甲誕日 上方居 明聖大妃憂命以陳賀當否議大臣 上命只行頒赦百官加

領議政金壽恒議國恤三年內 大王大妃殿慶賀之禮並入於權停之中豈以節目服色妨碍不便而然耶到今創行有不敢輕議領中樞府事金壽興判中樞府事鄭知和閔鼎重李尙眞議賀禮 殿下雖不得親行似不當并與群臣所陳獻於 東朝者而俱停也奉朝賀宋時烈議 聖上欲以慈懿殿周甲設行慶禮凡在瞻聆孰不欽仰但語曰一人向隅滿堂不樂今 聖上以上下神人之主方在

哀疚之中永慕魂殿密邇咫尺以慈懿殿慈愛之德推之豈安於享受慶禮哉恐亦畧違於三從之義也慈懿殿之心如此而聖上迫於至情强行其所未安者則亦非順心養志之道矣兼設豐呈於兩宮之議自昔年已有之今日獨享縟儀其在慈懿殿必有所追思不忍之心而其在臣僚慶喜之心少而哀疚之情多愚意以爲聖上於是日別有供獻以致喜慶之意而姑俟永慕殿祔廟之後洎日追行兼示以久視祈祝之義則周甲踰年逾久而逾慶喜也

景宗三年命停王世弟生辰賀初禮曹據例請賀上從之王世弟奏昨年受賀已爲不安况再行於今年乎曾於兩朝春宮時旣不行之則臣何敢再受乎仍請特停賀禮從之

英祖四年○下教曰予觀前史千秋萬壽聖節之稱始自唐明皇後世人君非不知其爲非而率多因循不改我國亦有誕日陳賀作樂之舉唐太宗承顏膝下之語予心愴然前頭誕日陳賀時軒架陳而不作永爲定式

補五年九月誕彌節儒臣效金鑑錄陳戒一上賜近思錄以賞之

七年教曰生日若念生我劬勞當倍痛心當慰不當賀此後誕日陳賀定式勿稟禮曹啓請勿廢陳賀於是上以上奉東朝命依四年下教舉行

補筵臣言五禮儀有誕日賀王不受誕日賀過也王喟然歎曰程子云人無父母生日當倍悲痛使予得如世宗聖祖之時何辭於賀

在東宮則辭之在今日則受之可乎卒不從

三十年禮曹以上回甲誕日請王世子陳賀上曰三十載權停况

今年心何敢二并與百官賀權停只王世子自內封表裏二品以上進

表裏元惠慶宮皇誕辰進饌于延禧堂親製老萊衣

續正祖十九年六月皇惠慶宮皇誕辰進饌于延禧堂親製老萊衣

五章萬年五章為先後唱樂章朝官六十一歲人宣醞殿庭

續今上十四年十二月 神貞王后誕辰 上詣勤政殿 親上致

詞箋文王寶齡彌劬周甲載屆尤切慶祝之忱誕

續十八年正月 王大妃王寶齡彌劬周甲載屆尤切慶祝之忱誕

日上表裏○七月二十五日大殿誕辰上御勤政殿受王世子進

箋文表裏受百官賀

續十二月初六日 神貞王后誕辰 上詣孝慕殿行酌獻禮

續二十七年九月 王世子進表裏于 大殿坤殿以 坤殿誕日

王世子疏請也

續二十八年七月 大殿誕辰二王世子進表裏

續三十年二月 上御康寧殿宣醞于百官仍賜饌 王世子二旬誕

辰也是月八日

續三十一年二月皇御康寧殿行會禮宴

續光武元年以 皇帝誕辰為萬壽聖節七月二十五日

東宮誕辰為千秋慶節二月初八日 ○以 太祖高皇帝登極日七月十六日 為

開國紀元節 皇上登極日

十二月十三日又乙未 誓社稷之日

為興慶節即 皇帝

位日 九月十日 為繼天紀元節

續三年九月 明成皇后誕辰

二十日 行

景孝殿奠酌禮

增補文獻備考卷之七十五

增補文獻備考卷之七十六

弘文館 纂輯 校正

禮考 二十三

燕禮

補新羅眞平王三十七年二月大酺三日

補文武王二年三月賜酺于國內以平百濟也

補神文王九年秋王幸新村設酺

補孝昭王六年九月宴群臣於臨海殿

補景德王五年四月大酺

惠恭王五年燕群臣於臨海殿

增補文獻備考 卷七十六
憲德王六年宴群臣於崇禮殿

補景文王六年上元日王幸皇龍寺賜百僚宴

憲康王七年三月燕群臣於臨海殿酒酣上鼓琴左右各進歌詞極歡而罷

補北史新羅每月朝相賀王設宴會班賚群官

補高句麗閔中王二年三月宴群臣

補權近曰爲之後者爲之子今閔中嗣無恤而當喪未數月而宴群臣其失自著矣

補太祖王十九年三月宴群臣於柵城以獲白鹿也

長壽王十二年燕群臣以大有年也

百濟東城王十一年宴羣臣

補高麗光宗十五年三月宴群臣於天德殿

補成宗二年正月宴群臣於天德殿

補穆宗卽位賜內外大酺一日

補顯宗六年三月幸西京宴群臣於長樂宮

補十年姜邯贊等凱還王親迎于迎波驛賜宴又宴將帥于明福殿
德宗三年宴群臣於文德殿勞柳韶等開拓關城之功

補靖宗卽位初御神鳳樓賜百官酺幸法王寺翌日大會又賜酺觀樂
中外上表陳賀

補文宗七年駕幸大同江御樓船宴諸王宰樞○又御樓船宴上將軍

以上臣僚饗孝順義節鰥寡孤獨宴常參官以上於長樂殿

補九年寒食饗宋商葉德寵等八十七人於娛賓館黃極等一百五十人於迎賓館黃助等四十八人於清河館耽羅國首領高漢等一百五十人於朝宗館

補十二年餞契丹使內史舍人崔尙奏昨伴送丹使王宗亮夜至金郊驛見列炬曰郊餞被酒所以犯夜然炬徒隸衣單可憫後宜侵早啓行嘗聞貴朝引見客使勸酒至夜今觀禮樂一似中華歎美不已然三詣王府宴必張燈我朝之法惟昏夕許用花燭人臣會客雖至侵夜不得然燭臣亦念王者向明而治宜於大昕接見賓客况燈燭亦民膏血費用太多恐虧儉德昔陳敬仲飲桓公酒辭公火繼之命曰臣卜其晝未

卜其夜乞自今宴好之禮止令卜晝辭歸之禮宜用會朝時從之

補宣宗元年宴宋使於會慶殿

補三年上册于王太后賜群臣宴

補肅宗元年泛舟東池置酒召諸臣赴宴相與賦詩

補睿宗四年二月宴群臣于重光殿酒酣命左右舞平章事金景庸起舞承宣林彥佯醉而退曰東邊未寧可忍舞乎諫議大夫李載上疏極言其非

補十一年幸西京置酒大同江扈駕諸王宰樞侍臣西京留守分司三品以上侍宴風日清和王大悅與侍臣唱和幸永明寺御樓船宴諸王宰樞侍臣賦詩宣示臣僚○宴清燕閣謂學士等曰朕嘗觀貞觀政要

太宗曰但使天下太平家給人足雖無祥瑞可比德於堯舜若百姓不足夷狄內侵縱有芝草鳳凰何異於桀紂斯言至矣庶幾景行遂命金緣朴景仁及寶文閣學士註解政要以進

補十二年六月燕群臣於清燕閣用宋帝所賜桂香御酒龍鳳茗團珍果寶皿命金緣作閣記洪灌書諸石○九月九日宴群臣於延興殿王歡甚賦詩宣示左右

補仁宗二年以慶龍節宴群臣於乾德殿常叅以上官各賜馬一匹毅宗時詳定大觀殿宴群臣儀 設花案陳仗衛王服赭黃袍鳴鞭樂作仗衛奏山呼太子以下拜舞蹈奏聖躬萬福致詞太子及上公升殿太子跪奏稱臣某等伏值某節日

冊太后則云聖上尊奉慈闈封崇禮畢郊天則云郊祀禮畢冊太子則班

首云冊立儲位臣等不勝大慶謹上千萬歲壽酒太子奉盞王舉盞樂作太子

及上公降傳宣曰舉卿等壽酒與卿等同慶仍賜赴座賜茶行酒進御食次設太子以下食樂作進御酒教坊呈致語口號至三味王入便次戴花太子以下戴花王坐殿太子跪奏獻天壽太子奉盞公侯伯宰臣樞密兩班三品及侍臣以次獻壽廻賜別盞太子以下受盞侍立員樂官宣賜花酒把門軍人宣賜酒果相次進御酒御食群官行酒設食八味後進湯藥賜群官藥王入便次王坐殿又上壽酒進酒進食進藥群官行酒設食太子致詞賜宴幣王入樂作

補三年七月宴諸學士于清燕閣學士文公裕直閣高瑩夫與焉於是王脫略君臣之禮盡醉而罷自是以爲常

高宗四十六年燃燈會宴諸王宰樞王再舉手以示群臣曰凡赴宴者拍手以助予樂酒闌王猶樂甚群臣拍手踊躍汗流被體至暮乃罷

忠烈王三年公主生女設滿月宴俄而母訃至翌日設收淚宴

十四年宮花盛開宴群臣于香閣酒酣王命典理正郎劉漬國學直講趙簡製新曲左副承旨安裕亦製詩以進○八月以聖節宴于正殿

忠宣王置酒歡甚命群臣盛辦酒饌逐日享之爭極華美一食之費累布二三百匹人甚苦之

忠穆王即位初宴元使用女樂百官簪花名曰群臣慶會宴

忠定王二年以誕日宴群臣

恭愍王十一年三月以平紅賊大補赴征將士于尙州行宮

二十一年王祭正陵對公主影幘設宴奏胡樂獻酬如生平宗親宰樞亦皆侍宴

辛昌即位初大司憲趙浚等言本朝宴饗必作唐樂繼以鄉樂願母令娼妓近前

本朝 太祖四年宴群臣于漢陽新宮○上誕日群臣上壽賜群臣宴上夜召判三司事鄭道傳等諸勳臣置酒張樂酒酣 上謂道傳曰寡

人之得至此卿等之力也相與敬慎期至子孫萬世可也道傳對曰鮑叔曰願公無忘在莒時臣願殿下無忘墜馬時臣亦無忘鎖項時則子

孫萬世可期也 上曰然 上歌文德曲目道傳曰此曲卿所撰也卿宜起舞道傳即起舞 上賜龜甲裘歡甚徹夜乃罷



增補文獻備考 卷七十六
補定宗元年正月朔 上朝于 太上王還御正殿宴群臣○五月進宴于 太上王太上王歡甚手解所御黃金帶以賜王曰父沒子傳常也豈若父子親相授受以盡親愛之情乎宗室公卿迭起上壽竟夕乃罷

補二年正月朔群臣請獻壽 上以 太上王幸聖居山未還不許及太上王至自聖居山 上率百官上壽於 太上王○五月王世子獻壽于 上世子嬪亦獻壽于 中宮義安公和等侍宴夜分乃罷○九月 上與世子詣德壽宮設宴獻壽 太上王作詩曰年雖七十心相應 上屬對曰夜已三更興不窮盡歡而罷

太宗二年 上朝 上王于樂天亭明使趙亮繼至 上迎入設宴使

臣曰天設仙境殿下得閒怡養最好 上獻壽 上王進退之際敬謹

中禮亮歎曰新殿下敬朝廷敬老王忠孝兼全吾奉使侯國多矣未有如新殿下之賢也 上王誕辰又率群臣上壽

五年 上與宗親設宴于內樓

六年 上詣太上殿獻壽 上起舞盡歡

七年宴宗親于解愠亭○冬至停賀賜酒殺于各司先是 上曰冬至陽生之日君子所樂之辰可自是爲大朝會且設君臣同宴是日適以齋戒不受賀

補十一年親禱 太廟召宗室大臣設飲福宴于廣延樓

補十四年元日 上宴 恭靖王于內殿又賜大臣宴于政府

十七年 上幸景福宮奉迎 上王獻壽於慶會樓世子諸宗親侍宴
賜酒隨駕大小臣僚極歡而罷○宴 恭靖王于內殿賜大臣宴于政
府內宴畢親送 恭靖王于闕門外

世宗戊戌 上上壽于 上王孝寧大君補領敦寧府事柳廷顯領議
政韓尙敬等侍宴 上跪進卓上壽 上王曰予之避位欲貯福也今
反益尊矣今日主上欲爲吾獻壽以年歉止之主上率百官來慰老人
吾不可不以禮待之略以宮中所儲設小酌但恐天寒凍路夜行爲勞
群臣皆拜謝 上王以杯賜柳廷顯酒曰與卿同飲一杯卿知予意乎
廷顯曰臣知一體同心之義然君臣何敢同一杯乎 上王曰我同飲
卿勿辭仍命止樂誦聶夷中傷田家詩酒酣 上王曰付托若不得人

雖欲忘憂得乎主上足爲守文之主卿等宜盡心輔導群臣皆頓首曰
實因 聖上知子知臣之明一國臣民祝壽萬年永觀太平至夜乃罷
二年 上上壽于 上王上王謂下季良曰子爲國王盡誠孝養此樂
古今罕有因極歡而罷

六年禮曹請於冬至設會禮宴 上曰古人云禮勝則離樂勝則流今
群臣終歲勤勞予豈不欲一與爲歡但比來水旱相仍天示譴告民不
聊生其停之○右議政柳寬引韓愈太學彈琴詩序且引宋太宗朝賜
酺故事請以三月三日九月九日爲令節使大小臣僚選勝遊樂以形
容太平氣像從之

補十五年崔潤德以平安道都節制使討婆豬江野人大捷班師 上

御勤政殿宣慰潤德等將士分賜尙衣院靴令服以赴宴上親執酌
賜潤德又命世子行酒仍命潤德勿起受酒命軍官相對起舞酒酣潤
德亦起舞

補世祖乙亥親祭社稷設飲福宴于思政殿

補元年正月上詣昌德宮進豐呈宴于上王○三月賜文武及第
任元濬魚有沼等恩榮宴于議政府命都承旨朴元亨宣醞

補二年祀園丘還宮受百官賀賜諸道大酺三日明日行群臣同宴禮
饌品倣中朝會禮務從簡畧○三月上御勤政殿世子率百官上
兩殿尊號上御思政殿世子率宗親議政府六曹靖難佐翼功臣進
豐呈承旨史官等亦侍妓工人奏樂饋倭人三甫羅沙也文第十三野

人童阿頭芥等三人于庭下功臣母及妻入康寧殿侍中宮宴

補上幸舊邸召扈從宗宰置酒曰此吾豐沛也昔漢高云富貴不歸
故鄉如衣繡夜行歌大風而樂之卿等亦我沛中父老極歡而罷

補五年八月以北方平定命僉知中樞洪逸童爲宣慰使賫御書及法
醞表裏慰諭叔舟使叔舟子沔乘駟往觀其父始叔舟將行上引入
便殿指墻下瓢蔓曰可及此物之結子否叔舟醉對曰晚種不盛未必
結子至是瓢偶結一子上命剖而爲杯書四句於盃心曰卿雖笑我
我瓢旣成剖而爲杯以示至情使遺叔舟後又以陶象瓢造杯鐫四句
於內每當曲宴用之以示不忘功之意

補六年五月忠勤府請於端午進豐呈宴上曰姜丞相孟卿之卒未

久也不許

補九年正月 上御勤政殿受朝賀設會禮宴文武百官野人倭人亦與焉

補十二年正月行內宴于康寧殿召崇義殿副使王循禮與宴謂循禮曰此在坐者皆予臣僚爾則前代之裔當待以賓禮仍命坐二品之列令進酒曰先代之後古有欲盡殲無遺者予則不然隆爵厚祿以奉先祀期與咸休爾宜檢束以世厥家詩云侯服于周天命靡常此之謂也循禮在麻田持身不謹故戒之仍命進秩

補成宗三年十一月 上率百官進宴于 大王大妃以 大王大妃誕日也○遣使錫宴于永安平安兩道觀察使節度使賜匹緞表裏等

物

八年行 大殿中宮殿宴禮以親蠶禮成也命會議政府六曹先蠶祭

執事闕庭賜酒樂 中宮殿御宣政殿會內外命婦行勞酒宴

詳見先蠶

補上講綱目畢賜經筵官宴于廣延亭下御札曰卿等勸我力學使我知歷代治亂安危之迹其功不可不酬今賜酒樂以示吾尊師重道之意

補九年十二月進宴于 三大妃殿復召諸宗宰賜酒樂書下詩一句曰昇平今日醉無妨禮曹判書李承召卽席足三句爲一章曰魚水相歡共一堂安不忘危古所戒更思王業繫苞桑

補十七年正月進宴于 兩大妃殿仍御仁政殿宴功臣

補二十年八月 上進宴 兩殿於後苑內外命婦咸與焉復召宗親領敦寧政府六曹參判以上忠勳府漢城府儀賓府政院弘藝文館都摠管會北所賜酒樂

補教曰古人翫月有以適值佳節借以君恩選清涼之地樂太平之象不亦美乎遂命政府六曹判書經筵堂上弘文館藝文館承旨注書翫月于掌樂院賜酒樂

二十三年禮曹請設元日禮宴 上曰人君當與民同其憂樂今歲歉民飢獨樂可乎其停之

補上謁聖後退御下輦臺大饗師生

二十四年 上進宴于 兩大妃殿中宮殿御宣政殿行勞酒宴以親

蠶禮成也

經國大典 端午秋夕行幸講武後議政府六曹進宴 王世子及嬪生辰同 每歲

四仲朔忠勳府進宴每歲二度宗親府儀賓府進宴每歲一度忠翊府

進宴每歲正朝或冬至行會禮宴 王妃宴于內殿世子嬪及內外命婦并赴

補經國大典 觀察使節度使赴京使隣國及進箋員并賜宴于禮曹

補五禮儀 朝廷使至殿下及王世子并設宴于太平館并酒行七遍

而止宗親府議政府六曹亦皆設宴于太平館其儀并同○隣國使至

賜宴于正殿酒行五遍而止若不親宴則命內侍宴于西廊禮曹又設

宴于本曹儀如親宴○諸島倭及諸衛野人酋長與使人則命內侍饋

于南廊禮曹亦設宴而勞之但各呈杯以飲而無行酒之禮

補國法每歲正朝冬至行宴會王世子及文武官并赴宴日本琉球島倭野人來朝者亦叅王妃宴于內殿世子嬪及內外命婦并赴每歲宗親府儀賓府忠翊府一度進宴忠勳府四仲朔進宴端午秋夕行幸講武後政院六曹進宴王世子及嬪生辰同

定法如此而近世皆廢

補國家宴禮凡九進饌曰饌案曰大卓曰大膳曰小膳曰別行果曰饅頭曰割肉曰鹽水曰湯鹽水者以鹽水黃鵝故謂之鹽水唐鵝湯也湯者所謂別味數也每進爵輒隨進○五禮儀云王世子進第一爵班首議政進第二爵自第三爵至九爵則司饗提調進之云云而近世則三爵以後宗親宰臣中落點以進○宴禮時樂與呈才不同而節奏相協外宴則殿下出宮奏與民樂慢還宮奏與民樂令第一

爵奏與民樂慢第二爵樂同進小膳奏千年萬歲三爵奏五雲開瑞朝進湯奏清平曲四爵奏井邑慢機進湯奏桓桓曲五爵奏步虛子進湯奏夏雲峯六爵奏與民樂慢進湯奏洛陽春七爵奏步虛子令進湯奏維皇曲八爵奏與民樂令進湯奏靖東方之曲九爵奏步虛子令進大膳奏太平之樂仍奏與民樂鄉唐交奏呈才舞竟則自第三爵爲始三爵初舞次牙拍次響鈸次舞鼓次廣袖次處容舞內宴則樂用瞽師女伶呈才則曰獻仙桃曰壽延長曰五羊仙曰拋毬樂曰蓮花臺曰夢金尺曰鳳來儀曰牙拍曰響鈸曰舞鼓曰處容舞曰尖袖舞其中自上落點選用分排九爵之節樂學軌範又有荷皇恩一節而久廢不用 英祖戊申宴時始命用之

補中宗三年三月宴經筵官柳洵等三十六人于古東宮庭賜一等樂將罷命中官加賜酒饌下御書曰予之眇末纘承丕基未知安危之跡賴卿等誠心教諭使我知三代之治可不酬恩今賜酒樂副以薄物表予尊師重道之意仍賜領事以下豹皮弦弓

五年命停元朝會禮宴進豐呈以有天災也

九年行羣臣會禮野人島夷皆舞蹈山呼

補十年九月 大妃御宣政殿 上進豐呈命饋宗宰諸臣入直諸將于仁政殿庭

補十一年正月 大妃御宣政殿 上進豐呈仍饗宗親文宰三司承旨史官兵曹都摠府于仁政殿

十七年進豐呈于 大妃殿賜宗宰二品以上弘文館臺諫承旨史官一等酒樂于殿庭

補三十九年十月賜書筵官宴于明政殿庭時世子已讀畢綱目 上教曰世子學問高明通鑑綱目一百五十餘卷今已畢讀是予十年所講者也儲副賢良朝廷共知予欲傳位退閒養病若使世子早習國事則豈不美哉仍賜宴于殿庭珍膳交錯歌舞喧轟 三殿御後苑臨觀時人稱爲太平盛事

補明宗二年行功臣仲朔宴與宴人員增秩賜物有差

四年正月宴卽位以後經筵官等于闕庭賜一等酒樂或加資或賜物又各給蠟燭一枚凡六十一人與宴者四十九人 補又賜宴卽位以後

增補文獻備考 卷七十六
功臣于闕庭賜一等酒樂夜分而罷各給蠟燭一枚翌日功臣等上箋謝恩

補七年十一月宴廉謹人于闕庭賜樂及丹木胡椒又賜蠟燭夜分乃罷

十二年 上御勤政殿行百官宴補御題秋日宴羣臣君臣同得七言律命與宴者限日製進時左相尹漑以故未叅後因講筵以爲人主令百官賦詩近於浮華都承旨鄭惟吉至引韓魏公二十年來得再拜之句以辨之曰是亦故事時或不妨云

補十四年正月朔 上進豐呈宴于 大王大妃 王大妃殿仍設百官會禮宴于勤政殿野人倭人亦與焉

十五年功臣進宴增秩賜物

補宣祖二十一年下宗系後命俞泓等一行及承文院提調等賜宴于太平館以勞之

三十九年世子以四十年昇平與大臣諸宰同辭請進宴凡再啓始許不用樂不設內宴

仁聖王后祔廟後行飲福宴舊例或用女樂而不載於五禮儀兩司玉堂政院言飲福宴承神之休當肅敬將事不宜聽女樂

仁祖二年進豐呈于 仁穆大妃

禮曹啓豐呈時外命婦入叅節次議大臣左議政尹昉右議政申欽議曰豐呈之禮五禮儀無可考曾聞 先王朝大殿行禮後 中殿

增補文獻備考 卷七十六
率內外命婦行禮大殿行禮時則命婦出避公翁主王子君夫人則或以家人禮侍參宴禮而外宰夫人則只當於中殿行禮時入參大殿行禮時無可據中國之制命婦朝參之禮則有之而侍宴君父無其禮

補八年九月 上行夜對於興政堂將退命宣醞以荷葉杯行酒承旨尹煌辭以不能飲 上曰觀其執卮可知能飲勿辭酒四五行承旨崔有海辭以恐失禮 上曰 世宗朝酌不過三杯故諸臣未嘗失禮至成宗朝學士醉倒不能出此亦美事也於是諸臣扶醉而出已三鼓

補九年命召左議政金瑬延平府院君李貴于便殿賜小宴
詳見職官考
十年 上在仁慶宮行進豐呈禮九酌而罷

孝宗八年進宴于 大妃先是丙申將進宴以天變停罷至是始行

補柳馨遠曰漢高祖七年長樂宮成冬十月朝賀漢承秦制以十月爲歲首此後世歲首行朝賀之始晉書魏晉冬至日受方國及百僚稱賀因小會其儀亞於歲朝此後世冬至行朝賀之始唐書玄宗以生日宴百官於花萼樓下丞相源乾曜張說表請以是日爲千秋節布於天下此後世人君生日來賀之始三名節受朝賀皆非三代之制也然元朝則正歲之初群臣朝君固宜爾也但賀非所當矣冬至則一陽始生先王以至日閉關后不省方厥有深意矣受天下朝賀因以燕樂大與此義乖違也至於生日爲節則作備於唐明皇無義甚矣其視太宗亦有愧焉明太祖嘗有詔曰

冬至先王閉關之日生日是朕感愴之辰其勿朝賀此真百世卓然之舉措乎惑於諸臣之諂有始而不克終也

肅宗十二年以莊烈王后周甲進豐呈于萬壽殿行九爵補以十年明聖王后

國恤退行於是年

三十二年行宴禮先是乙酉春世子以國家三十年昇平三上疏請稱慶進宴大臣諸宰亦力請上許之既而有虹變春雪之異停之至秋大風為灾又停至是始行上御法殿王世子奉觴獻壽

時朝議因進爵呈才獻仙桃有外宴用女樂之議兵曹參判金鎮圭禮曹判書閔鎮厚以為樂學軌範雖有外宴用女樂之文然自世宗朝以後凡宴會不用女樂故五禮儀內宴有女伶外宴無之以娼

妓雜戲陳於侍宴非放鄭聲之義於是上命去女樂用舞童永為定式

三十六年上御崇政殿受宴世子率百官稱壽觴九行乃徹

四十年行宴禮舊例宴饌有人蔘正果至是命去之以示節約是後遂為例

四十五年上入耆社進宴以七爵行禮上御景賢堂進饌進花世

子進第一爵致詞樂作提調割肉跪進樂作領議政進第二爵致詞世子以下三叩頭山呼供饌供花進第三爵供世子酒行宗親文武官酒

進第四第五第六第七爵進大饌補以日晷短妨於靜攝減行七爵

補景宗四年閏四月進宴王大妃殿

增補文獻備考 卷七十六
英祖四年九月進宴于 大王大妃越三日又進宴于 王大妃補務從節約遵 慈教也 王妃方居府夫人喪故不參

補司經李宗城奏曰內宴非女樂則不可以爲樂故女妓選上及於外方然其爲非禮之視大矣 東宮春秋方富正當蒙養之時尤宜致謹而不審 殿下於非禮之視果無所動否乎 上曰每當內宴春宮入侍故自前春坊例有陳戒此雖近於文具其在愛禮存羊之意不可廢之而今則未聞此等語予用慨然古有韓休知否之言儒臣若入侍則必有云云矣予學問雖淺豈動於女樂乎雖然難制者心勉戒之意好矣

補十五年進宴于 大王大妃殿後朝臣年七十士庶年八十有子孫者京而度支外而本道量給宴需使之榮親婦人耆老亦給宴需十九年以 大妃臨御恰滿四十年 大殿寶算五十設宴 上取內宴儀注親加裁定刪繁就簡設宴於光明殿 上及中宮殿同與焉上以爲慈宴時三宴同設于今初行命曰三宴儀外宴設於明政殿一依 世宗朝養老宴儀兼奏雅俗樂

補世宗朝養老宴儀每奏雅俗樂其樂節曰 殿下出宮奏與民樂令還宮同第一爵奏與民樂令第二爵奏與民樂進湯俗樂退雅樂進登歌奏休安之樂第三爵奏休安之樂烈文之舞入作進湯奏休安之樂第四爵奏休安之樂烈文之舞昭武之舞兼作進湯奏休安之樂第五爵奏休安之樂昭武之舞入作進湯雅樂退俗樂進奏與

民樂慢第六爵奏與民樂令響鉞舞童入作進湯奏與民樂慢第七爵奏與民樂令舞鼓舞童入作仍奏鄉唐交奏處容舞入作舊儀進大膳酒行九遍是時大妃特命減大卓大膳小膳酒行七遍上亦體慈聖節約之旨引待賢設體之禮三酌以上用體三酌以下用酒上又親自改製荷皇恩詞見樂考

二十年上入耆社設宴大妃內宴時上親製辭侑歡越三日宴群臣于崇政殿減大膳大卓宴將罷命儒臣講蟋蟀章以寓規警之意命耆社諸臣進前諮訪老成之論仍命禮房承旨進宴堂上領御膳及鄉黨樂導耆社諸臣宴于靈壽閣

上以國恤三年後結綵歌謠等禮及大享後飲福宴先朝命除之

後該曹猶依例稟請命今後勿復例稟

互見國恤

己巳教曰鴈則信禽而名編月令故頃年稟于慈聖凡諸供新

一併停捧而於大小宴享猶在此後亦為除之以鳴代鴈

補三十二年七月上以東朝寶齡七旬召耆社諸臣設宴

詳見養老

四十一年正月上受爵於景賢堂命勿設油蜜果去盤花除大卓只饌案母過十器諸臣母過五器教曰噫一隅海東望八其祖依於冲子衣尺冲子亦依其祖冲子一欲獻卮今春以後形於色而嘿而不發自誕月此心尤切欲一陳章而予自抑焉近覽乙酉日記粵昔皇兄連上三章冲子自草其疏不允之後卽其夕再疏三章四章其皆不允故非徒抑鬱之色見於外仍以却食五章之草引癸亥事吁嗟冲子何

增補文獻備考 卷七十六
能聞之而及此覽此章若奉其時 慈音五內若隕此心難耐百爾思
量他無其道初則欲不設樂更而思之國初此時吾皇所賜卽雅樂子
曰樂則韶舞雖不能法三代今用三代之樂玄酒大羹之意也
四十二年八月崇政殿進宴同日光明殿行內宴 教曰追憶十三歲
故事以光昔年盛事其日行然後可曰行此正一日不可進一日不可
退者也既許外宴嘉禮今已八年于今同受亦上慰 陟降之意一體
許之年益衰氣益備吾民困歲未登其雖勉強心豈樂爲述編豈不云
乎昔年奉 東朝稱觴心猶若此況今日乎減其大卓樽花饌案床無
過五器味不過五味果品高不過五寸諸臣果盤并與果無過五器果
高無過三寸味數二器皆用紙花昔年既不舉燭昨年數時而止今番

畫燭切勿待令

補教曰君臣一堂同禮而使此輩困窮非所謂與民同樂之意也况
昔年何惜肌膚之教敢不繼述乎遂命漢城府抄啓四民及庶民耆
老御興化門招入四民賜米有差又命承旨賜庶民耆老宴於通衢
命與宴群老依五禮儀杖而入賜管弦以歸其家

四十三年 教曰嗚呼否德無能何事繼述命考實錄丁亥臘月設小
酌于便殿聞此而追慕倍切嗚呼丙戌其既繼述况丁亥乎當設小膳
於德游堂依頃年耆社例膳不過五器酒則以太室樽酒取用而嗚呼
九月二十日陪歡有欲令吹笛之 教其日雖過特召樂生吹笛而臥
聞此亦繼昔年之意也旋以大臣陳請命只許前部鼓吹樂工只執事

增補文獻備考 卷之六
典樂琴者瑟者笙者入庭盤器麵一肴一湯一果實一乾肉一○教曰
當詣景福宮康寧舊基以餽餘之酒予先飲福待令之膳予與元良諸
臣同食於殿庭嗚呼豈云高也 陟降在上洋洋如在此亦不肖繼述
之道也琴瑟笙簧皆令置之

四十五年二月 上御崇政殿進宴 中宮殿內宴同日行于光明殿
外宴酒用松節茶行九爵 教曰追憶己卯今逢己丑六十回甲後六
甲之中亦一小回甲此豈攸料臣民皆曰慶予心一倍况遙憶戊申以
前予心若何遙憶甲子以前予心若何且六十六歲嘉禮七十六歲受
宴亦仰謝受眷佑也七十六歲之內丙戌庚寅甲午稱觴己亥自內只
侍觀光戊申稱觴兩 東朝癸亥甲子稱觴 慈聖乙酉亦受爵三昨

年遵古例受爵亦行內宴今年崇政受爵光明同受爵十年十巡奉觴
觀光親受一則追慕一則太康內宴時內命婦置之

又教曰荒歲受宴無已太康予思饑民此心何抑今以祝有年三
字爲八道民頌焉

續四十八年二月 上受政府進饌於德游堂王世孫進爵降階呼嵩
時原任大臣卿宰如其禮樞府摠府耆社厨院以次進饌五日而遍遵
國初故事也命京外士庶親年七十八十者特賜宴需壽其親

續四十九年閏三月 上御崇政殿行進宴初王世孫以五紀光臨請
涓日設燕 上以難拒其誠卽允所請爲答尋 下教麥秋後擇日王
世孫復上疏以禮不計閏乞寢俄下傳教 上答曰旣許矣何云早晚

今者爾章若甲辰予在銅闈時因慈教陳章者五十年前後相符體
慈聖意飲泣勉從至是行兩宴如儀方養老宴時上執世孫手命書
耆耆宴會歌六句曰此效漢高之大風歌也世孫卽席賡進極歡而罷
命蠲八道兩都舊糶及貢人舊逋市民徭役○十月上與王世孫幸
慶運宮以宣廟自龍灣還御是宮之年月日也上御卽祚堂受百
官賀政府六曹進饌遂燕群臣宣廟外裔及扈聖靖社功臣之後咸
與焉

續五十年二月上與王世孫幸玉署春坊同講聖學輯要仍宣饌于
侍講諸臣

續五十一年四月上與王世孫詣弘文館講小學大學賞玉堂春坊
明日玉堂春坊進箋謝○七月上與王世孫又詣弘文館行會講禮
上誦大學世孫講聖學輯要講畢世孫進爵呼嵩領經筵事以下
玉堂春坊以次進爵呼嵩

補十二月世孫聽政後上御景賢堂受進宴命行九爵禮又御集慶
堂受進宴以世孫請行也

續五禮儀慈宴設大王大妃座王大妃樂作四拜上與王妃四拜世
子及嬪以下四拜進饌案行果進花進進小膳女伶唱尊崇樂章王

大妃進第一爵致詞宣旨進割肉饅頭殿下進第二爵進致詞宣旨
仍進王大妃爵王妃進第二爵進致詞宣旨仍進王大妃爵世子進

第四爵致詞宣旨仍進王大妃爵世子嬪進第五爵致詞宣旨仍進王

大妃爵供卓散花進湯王大妃進第一盞大王大妃執盞賜王大妃王大妃受飲殿下進第二盞受盞飲如王大妃儀仍進王大妃盞王妃進第三盞受盞飲如上儀仍進王大妃盞世子進第四盞受盞飲如上儀仍進王大妃盞酒行九遍退小膳進大膳舊儀不傳 肅宗丙寅行此宴○進宴世子宗親文武二品以上樂作四拜司饗院進饌案別行果進花進小膳世子陞進壽酒第一爵致詞提調進割肉進饅頭班首陞進第二爵致詞宣教世子以下叩頭山呼副提調供世子饌卓供果花執事設宗親文武官饌卓散花進湯宰臣陞進第三爵副提調供世子酒執事行宗親文武官酒行九遍進大膳舊儀不傳 肅宗丙戌始行此儀○王妃進宴世子王子樂作四拜世子嬪命婦以下四拜進饌案行果進花補進 進小膳世子陞

進第一爵致詞宣旨世子嬪陞進第二爵致詞宣旨典饌供世子及嬪卓設命婦以下卓散花進湯世子進第一盞進湯王妃執盞賜世子世子受飲世子嬪進第二盞王子進第三盞受盞飲如世子儀命婦班首進第四盞自第五盞至七盞並如上儀酒行九遍退小膳進大膳舊儀不傳○三殿進宴進饌果花膳如儀唱加上尊崇樂章殿下進第一爵致詞宣旨王妃進第二爵致詞宣旨殿下進第三爵大王大妃執盞賜殿下殿下受盞飲王妃進第四爵受盞飲如上儀世子進第五爵致詞宣旨仍進殿下爵致詞進王妃爵致詞世子嬪進第六爵進兩殿酌賢嬪進第七爵進兩殿爵命婦班首進第八爵進兩殿爵命婦進第九爵進兩殿爵並如上儀英祖癸亥甲子行此儀○御宴軒架作與民樂世子百



官四拜進饌果花盤世子進第一爵致詞班首進第二爵致詞宣教叩
頭山呼俗樂退雅樂進副提調供世子饌卓行果供花執事設宗親文
武官饌卓散花進湯軒架作休安之樂宰臣進第三爵登歌作休安之
樂烈文之舞宰臣進第四爵登歌作昭武之舞宰臣進第五爵雅樂退
俗樂進宰臣進第六爵舞童響鉞宰臣進第七爵舞鼓鄉唐交奏處容
舞酒行七徧英祖癸亥
行此儀
正祖七年十二月行燕射禮
先是國朝之制澤宮燕寢通稱大射而其儀文率多因襲數年前
上命閣臣博考儀禮及戴禮斟酌一番講行至是上又欲以明春
復設燕射而預先習儀

十八年上御內苑賞花釣魚諸臣陪參領議政洪樂性判府事蔡
濟恭以下凡五十餘人
十二月慈殿慈宮上號時中宮殿行禮儀節一遵莊烈大妃
周甲稱慶上號陳賀時仁顯王后所行之舊禮
十九年三月行賞花釣魚宴于內苑群臣陪遊者自領議政洪樂性
以下凡六十餘人先是群臣家人之召入者只及於子弟若姪于是并
及其再三從姪每一獲魚輒奏樂一曲上再賦詩令諸臣賡進
純祖九年二月進饌于惠慶宮以冠禮回甲稱慶也
二十七年九月王世子文祖翼
皇帝代理時進爵于慈慶殿樂作群臣
呼萬歲



續憲宗十四年四月進饌于 大王大妃 王大妃

續哲宗七年六月十五日命宣饌時原任大臣國舅閣臣耆社宗親儀

賓會參以 東朝誕辰也

續八年三月行進饌禮于通明殿又行會酌禮

續今 上十年 上尊號後受進饌于康寧殿

續十四年以 東朝七旬稱慶進饌于通明殿

續二十九年九月 上御康寧殿 世子進饌奏萬壽長樂之曲獻仙

桃之舞陞座奏泰平萬年之曲 王世子 王世子嬪左右命婦宗親

戚臣進饌堂郎行禮後奏壽延之曲

續三十年二月行會禮宴于康寧殿

東宮誕辰 見誕日

續三十一年六月 御慶會樓宴饗勅任官及各國公使樂作進祝辭

續光武五年 明憲太后 孝定 王后 寶齡望八慶年進饌于慶運堂翌日再

翌日會酌 前年正月有筵教而 是年五月十四日始行

續七月 誕辰 二十 五日 進宴于咸寧殿翌日會酌

前年夏 東宮以 聖壽將躋五旬節慶之意陳疏庭請故有是舉

續六年 上入耆社後 東宮疏請節慶進宴于咸寧殿翌日會酌 四月

二十 三日

續九月以 聖壽望六御極四十年進宴于中和殿翌日會酌于觀明

殿 前年冬 睿疏 庭請故有是命



六千... 文獻備考... 卷七十六...
[The text in this section is extremely faint and largely illegible due to fading and bleed-through from the reverse side. It appears to be a list or index of entries.]

增補文獻備考卷之七十六

明治四十四年八月

